

11 compania interesa den maneho di desperdicio



Pagina 31

- Joost Meijs
CEO nobo di
aeropuerto
Pagina 3
- Parlamento
lo introduci
medida
Pagina 8
- Vinculo entre
genetica y
homosexualidad
Pagina 30

Parlamento a entrega rapport na VNO



Pagina 2



Pagina 6

FARC ta retoma
lucha arma

#BoTabataSa



cu tin 9 scol den proceso
pa bira un scol saludabel?

 AZV - Aseguro Medico General www.azv.aw



Hulandes ta
gana titulo
mundial di judo

Pagina 18

Un dia prome cu reunion di Conseho di Minister di Reino

Parlamento a entrega VNO rapport di problema di finansa y supervision



ORANJESTAD – Ayera media, Presidente di Parlamento, Ady Thijzen hunto cu e lider di fraccion di MEP, Rocco Tjon a entrega un rapport bou e titulo subhetivo y largo na Hulandes: ‘Aruba terug op de rails van Deugdelijk Bestuur en Deugdelijkheid van Financieel Beheer’, na e representacion di Hulanda na Aruba (VNO). Un rapport cu ambos Parlamentario a traha riba dje.

Despues di sostene e reunion aki cu David Abrahams di VNO, den su declaracion na prensa, Thijzen a bisa cu nan a dicidi di traha e rapport aki, mirando e ambiente cu ta existi previo na e reunion di Conseho di Minister di Reino cu ta tuma luga awe na Hulanda y cu tin riba nan agenda e ley di supervision financiero di Aruba (LAft).

Nan por a scucha cu Hulanda lo bin cu un KB of un ‘aanwijzing’, ya cu e cambionan cu Parlamento a introduci a base di loke nan ta considera como nan autonomia como organo legislativo, y conforme na nos constitucion, no a cay den bon tera cerca Hulanda. Pa Hulanda e cambionan introduci den Parlamento den e ley di LAft ta mengua e trabou di e colegio di supervision financiero (CAft) na Aruba. Te ainda e ley no a wordo firma pa Gobernador di Aruba, pero –segun Thijzen– den Statuut di Reino no ta defini un tempo pa hacie. Pero si ta poni cu si nan no kier firma un ley, nan mester duna na conocimiento di Parlamento pa kico nan no ta hacie. E ta kere cu ya caba a transcuri un tempo prudente, caminda nan a duna tur esunnan involvi espacio pa haci esaki. Si e ley no a wordo firma, ta importante pa nan duna conoce Parlamento di Aruba dicon nan no a firm’e.

Rapport

Thijzen a laga sa cu pa medio di e rapport aki nan kier mostra ‘hechonan,’ ya cu e documento aki ta contene entre otro, conseho di Raad van Advies (RdA), tambe rapport di Contraloria General y te hasta conseho di CAft, instancianan internacional, Banco Central di Aruba. Te hasta nan a bin cu cierto documentonan cu nan a uza den pasado. Den sintesis –segun Thijzen– e rapport aki ta duna un bista con Aruba tabata ta, con e cos a pasa cu nos a cay den problema financiero, y con pais Aruba ta bezig pa soluciona e problema di finansa publico.

E ta haya oportuno pa bin cu e rapport menciona, ya cu Hulanda tin un posicion pa bin cu e posibilidad di un KB of un ‘aanwijzing.’ P’esey nan kier pone bon cla cu Aruba ta un pais autonomo den Reino Hulandes, e ta un estado di derecho. “Un estado di derecho cu bo tin cu duna respet na Parlamento, na Gobierno y na tur instancia cual sea cu ta,” el a bisa.

El a declara energicamente cu Parlamento di Aruba no ta un departamento di Gobierno cu bo ‘deal cune manera bo kier’. P’esey e pueblo ta scoge su representantenan. Pero esaki no kiermen cu como Parlamento nan ta bay traha manera hende irresponsabel. Tampoco nan mester bira un ‘stempel parlament.’ Igualmente nan no ta haya cu debi cu gobierno a firma protocol cu Hulanda, cu a base di e protocol aki parlamento mester bay di acuerdo cune. E ta haya importante pa nan scucha Parlamento di Aruba, kico nan ta pensa, ya cu nan ta esunnan cu mester duna cuenta na pueblo.

Den caso cu Conseho di Minister di Reino no kier

cambia di posicion y nan kier bin cu un KB of un ‘aanwijzing’, nan tin cu argumenta prome. Sinembargo, Thijzen ta expresa cu nan ta keda hopi positivo cu Aruba por sali afo cu e situacion aki. Nan por tin diferencia di opinion, pero e ta kere cu poco poco nan ta yegando na e solucion.

P’esey nan ta kere cu e bishita na VNO tabata uno positivo, ya cu na Corsou tambe tabata hopi bon, y ‘nos ta sigur cu nos ta sigui cana e caminda’. El a culmina bisando cu si tin cierto obstaculo, nan ta deal cu nan tambe.



Investigacion riba gasto excesivo di overtime

‘Periodieke uitkeuring’ no ta permiti cu gasto di personal por baha

ORANJESTAD – Dos aspecto cu ta hungando un rol riba gasto di personal den aparato gubernamental, ta e periodieke uitkeuring y overtime.

Segun Prome Minister, Evelyn Wever-Croes, e cantidad di empleadonan publico a baha, pero e gasto no a baha mescos. Te hasta tin e tendencia di no baha. El a splica cu a pesar cu nan por a traha cu menos hende mes, nan salario si ta sigui subi, debi cu nan ta haya promocion y tambe un periodieke uitkeuring of aumento periodico, depende di e schaal riba cual e empleado publico ta. E ta un derecho cu empleado publico tin y pa kit’e –segun e prome mandatario– nan tin cu negocia cu sindicato y cambia ley. P’esey nan ta evaluando otro instrumentonan, mirando cu e asunto di e periodieke uitkeuring no a yuda mucho pa baha gasto di personal. Actualmente nan ta den deliberacion cu sindicato, sinembargo e ta haya cu pa e gremio aki awor e tema cu ta importante pa nan ta e asunto di index-



ering. Un asunto cu –segun e mandatario– nan no ‘a yega na e tema aki ainda.’

Overtime

Pago di overtime ta otro asunto relaciona cu gasto excesivo di gobierno cu tin Wever-Croes hopi preocupa.

E overtime a existi semper, sinembargo actualmente tin un investigacion andando ariba e asunto aki. E aña aki e mandatario no ta kere cu nan por logra domina e gasto di overtime, pero e ta wardando riba e resultado di algun investigacion. E ta spera cu

esaki lo por yuda gobierno pa otro aña nan por tin un miho control riba dje.

Investigacion

E prome mandatario a laga sa cu den deliberacion cu e respectivo departamentonan, nan ta investigando e origen y kico nan por haci pa baha e overtime den aparato gubernamental.

Aparte di esaki, tin otro investigacion andando riba asunto di overtime cu ta wordo haci pa e colegio di supervision financiero CAft, cu a ofrece nan mes pa realisa e investigacion aki y gobierno ta dunando su cooperacion. E resultado di CAft –despues di bishita tur departamento di gobierno– lo bin cla entrante luna di september. Contraloria General tambe a yega di haci un investigacion riba overtime y gobierno ainda ta pendiente di por haya nan rapport.

Wever-Croes a bisa cu pa medio di e rapportnan di e investigacion cu diferente instancia ta realisa, gobierno lo por tin un analisis mas profundo di e causa di overtime

y ohala cu nan por bin cu un solucion pa atende cu nan. “Gara e toro na su cacho mas miho,” el a haci uzo di e frase popular aki.

Sinembargo, e ta haya cu mientras tin un discusion cu mester baha gasto di overtime, di otro banda, por chempel nos no por laga nos frontera habri. Tampoco nan no por keda sin pone mas hende ariba diferente warda, y tambe nan mester a atende cu ordo publico y seguridad. El a trece dilanti e caso di Brandweer, cu ta uno cu ta demanda gasto di overtime.

Na prome instante, e pensamiento logico ta cu afortunadamente no tin cantidad di candela na Aruba. Pero e cuerpo aki tin un acuerdo of compromiso pa hopi aña caba cu aeropuerto. Ta asina cu pa aeropuerto por cumpli cu regla internacional di International Civil Aviation Organization, (ICAO), nan mester tin disponibel un cantidad minimo di persona constantemente na Brandweer, a pesar cu nada ta pasa y pa tal motibo tin cu paga overtime.

Joost Meijs CEO nobo di Aruba Airport Authority N.V.



ORANJESTAD – Diaranson anochi a tuma luga ceremonia na Aeropuerto di Aruba, den cual James Fazio a entrega su posicion despues di 5 aña como CEO di AAA pa busca otro oportunidad profesional. Entrante 1 september, Joost Meijs lo tuma e posicion di CEO.

Den presencia di su excelencia gobernador di Aruba, Alfonso Boekhoudt, Prome Minister Evelyn Wever-Croes (MEP), Minister di Turismo, Dangui Oduber (MEP), Minister di Husticia, Andin Bikker (POR), Presidente di Hunta di



Supervision Marion Kan, entre otro persona y socio di aeropuerto. “Aeropuerto di Aruba ta pasando di e fase di planificacion pa e fase di construccion di proyecto Gateway 2030 y mi ta entusiasma di entrega e trabou di CEO na Meijs, kende lo ta e lider, lo guia y motiva henter ekipo pa yega na e obhetivo di expansion di aeropuerto”, Fazio a expresa.

El a bisa cu e ta convenci cu socio y luga interesa den turismo y aviacion lo brinda Meijs e mesun orientacion y confiansa manera nan a duna Fazio. Durante su discurso di despedida, Fazio a bisa cu su tempo na aeropuerto di Aruba no por a tabata asina exitoso sin sosten di personal di AAA.

“Mi ta sigur cu Meijs tambe lo ricibi e mesun sosten. Mi kier enfatisa cu ma disfruta mi tempo na Aruba y mi ta sinti honra di e confiansa cu ma haya pa dirigi e aeropuerto nacional di Aruba durante ultimo 5 aña”, Fazio a bisa.

Tur e mandatario presente a expresa nan gratitud pa e esfuerso di Fazio y na mesun momento a desea Meijs suerte pa e siguiente aña pa hiba ekipo di aeropuerto pa proximo proyecto, awo cu Meijs lo ta responsabel pa desaroyo y organizacion di AAA.

Tambe pa mantene contacto cu parti interesado externo y lo supervisa pa e proyecto importante di inversion y construccion di e capital di 5 aña



cu un balor di 300 miyon dollar.

“Mi ta cla pa cuminsa den e posicion cu mucho entusiasmo y determinacion pa concreta tur locual e team a visualisa durante e prome etapa di e proyecto Gateway 2030. Mi ta gradici Fazio pa su orientacion cu el a duna pa aeropuerto pa ultimo 5 aña y nan compromiso pa sigura cu nos ta crusa e meta di Gateway 2030, di un aeropuerto di cual nos tur por ta orguyoso”, Meijs a bisa durante su prome discurso como CEO di AAA.

Despues di e prome discurso di Meijs como CEO, Fazio a entrega simbolicamente su posicion na Meijs cu un helm di construccion, un bachi di seguridad y un shobel.

Elvis Lopez di Atelier's 89

'Mester di Traimerdia cu arte den bario, mescos ta existi Lotto pa Deporte'



ORANJESTAD – Arte ta un manifestacion di actividad humano cu ta expresa un vision personal. Di e manera aki por duna e herment pa e hobennan por expresa miho nan emocion, como artista of como publico, locual ta aporta hopi cos positivo pa nan formacion.

Atelier's 89 ta un fundacion cu ta promove e desaroyo di arte en general, nan hunto cu Farpa y Cede Aruba ta organisa e tayer 'Teatro den Bario', dirigi pa hobennan entre 12 y 19 aña, cu lo cuminsa e proximo 2 di september na tres bario distinto, Centro Bario Playa Pabou, Centro di Bario Dakota y Brasil cu un duracion di tres luna.

Asina a duna di conoce Elvis Lopez di Atelier's 89 durante un entrevista cu Bon Dia Aruba. El a splica cu e aña aki nan ta haciendo 4 tayer na mesun tempo y cu ekiponan nobo cu nan a adkiri door di un donacion cu gobierno a duna pa nan por traha di un miho manera.

Dialuna awor, el a menciona cu nan ta bay cuminsa cu un proyecto di teatro cu ta bay den barionan y segun Lopez a bisa tin hopi mucha cu no por yega

eynan pa motibo cu nan ta muchanan di menos recurso.

"E proyecto aki ta hopi special, hopi unico tambe den su genero, pasobra e ta bay ta tres luna largo y tambe ta bay ta gratis", Lopez a sigura.

Di igual manera, Lopez a comenta cu e proyecto aki ta esun mas grandi cu nan tin, pa motibo cu ora e ta caba, semper den un exposicion of den un obra teatral, esey ta haci cu e muchanan ta drenta den contacto cu publico, cu hende y ta siña conoce nan presentacion y con nan ta bay papia.

Lopez a sigura cu dia pa dia, Aruba ta bay mas atras tocante arte. El a menciona e resultado cu Unesco a duna di loke ta trata e muchanan cu ta bay haci un estudio di voortgezet onderwijs, specificamente un estudio despues cu nan a bay EPI of MAVO y nan ta bay studia afo, e resultado ta cu 3% di nan ta ricibi un studio avansa.

"Hopi di e muchanan di aki nunca tabatin contacto cu arte, pa motibo cu nan mama y tata tampoco a haya esaki; y pa bo cambia un generacion bo mester implementa un Traimerdia di arte".

El a señala cu arte ta hopi importante, pero akinan na Aruba nunca a wordo considera pa nada. E porcentahe cu nan ta alcanza di e comunidad ta minimo di henter e poblacion y door di esey el a bisa cu mester di Traimerdia cu arte den bario, of 'asina como ta existi un Lotto pa Deporte'.

Lopez a manifesta cu esey ta e unico manera pa purba di rescata loke a bay perdi caba y ademas di purba di influencia e muchanan pa nan ta un poco mas humano, duna pa nan un oportunidad pa nan mes por siña un tiki mas di un otro cos cu nan no sa. Ademas di esey, despues cu nan a experienci'e nan no ta bay bira artista, pero e pensamiento cu nan ta haya ta otro.

El a papia tocante sponsornan y apoyo cu otro fundacion of organisacion di deporte y cultura ta haya semper pa bay afo, pa bay hunga baseball of pa carnaval. E problema ta cu henter comunidad ta bay keda atras, pa motibo cu e mama y e tata no ta educa nan yiunan pa arte.

Tambe ta existi e problema cu – manera el a bisa – e Traimerdia no ta conta cu personanan capacita pa traha arte cu muchanan. "No tur maestro ta siña arte, por ehempel Maria College tin 1.500 mucha y 2 docente di arte so. Nan tin cu haci canto, teatro, baile, tur cos. Mester di mas hende pa haci esey", Lopez a finalisa.

Minister no tabata na altura di celebracion di cumpleaños



ORANJESTAD – Diahuebs ultimo, bureau di Minister di Husticia a haya informacion cu un celebracion lo a tuma luga na oficina di IASA na Vondellaan durante oranan di merdia, caminda cu un persona cu no ta traha na Gobierno a wordo permiti pa celebra su cumpleaños. A haya diferente comentario no positivo riba e indole y contenido di e celebracion for di varios testigo.

Na ningun momento e celebracion aki tabata planea of aproba door di bureau di Minister, y bureau ni Minister no tabata na altura di esaki.

Despues di a laga haci un investigacion preliminar, Minister di Husticia, Andin Bikker, a dicidi di duna un toegangsontzegging na e empleado encarga cu e management di IASA, sr. I. Matos pa cu e suceso, conforme proceduranan hancra den LMA.



**Like
us on
Facebook**

facebook.com/bondianoticia

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Leo Maduro (hefe de redaccion)
Nicola Gonzalez (redactor ehecutivo)
Pilar Flores (redactor ehecutivo)

Redaccion

Benjamin Romero
Kenna Hernandez
Andreina Morillo

Departamento Digital

Cristian Soto Garcia

Ehecutivo di Benta

Sulaika Croes

email: sulaika.croes@cspnv.com

Linda Reijnders

Aviso y Arte

Sandra Loefstop
Lisa Tromp
Shannon Geerman

Administracion

Mariette Engelhart
Martha Arteta de Ariza
email: accounting@bondia.com

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Luis Villegas
Associated Press
Ret Karibense
Upload Media Aruba
Verbum Works

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Gasto di personal... *Sin curashi pa resolve...*

Presupuesto no ta cla na tempo, atrobe, y go-
bierno tin un splicacion, cu tampoco ta nobo.
Nan tin problema cu gasto di personal. A
acorda cu Hulanda cu e gastonan ta mara na
un limite, segun Hulanda incluyendo e gas-
tonan di personal di e Plan di Crisis Social;
segun gobierno di Aruba no. E diferencia di
opinion ta existi algun tempo caba y tabata
topico den un discusion bastante candente
entre minister encarga cu finanzas di Aruba y
CAft y secretario di estado Hulandes pa asun-
to di Reino. No a comenta den e dianan aki
con a para cu e discusion ey, pero ta casi sigur
cu si Aruba keda insisti cu ta tene e gastonan
di e Plan separa di presupuesto, lo sigui un
instruccion di banda di gobierno di Reino pa
inclui nan y no surpasa e limite acorda.

Den rueda di prensa prome minister a duna
di conoce cu e instrumento di VUT (retiro
boluntario) no a duna e resultado spera. Esey
no ta nada straño pasobra ta bon conoci cu
a aplica e instrumento aki pa varios aña caba
y nunca a duna gran resultado. Awor esey lo
ta hasta hopi menos, pasobra gobierno mes ta
papia continuamente di crisis cu pueblo mes-
ter bay paga. Esey ta implica sacrificio, tambe
pa e empleado publico cu mescos otro nan
mester paga mas ora di haci compra. Tuma
retiro den un situacion di crisis asina y bay
enfrenta bida cu menos entrada y mas incer-
tidumbre, no ta parece un plan atractivo. Pero
tin un motibo mas pakico e VUT no ta fun-
ciona, en todo caso no pa baha gasto. E for-
mula ta un salario garantisa pa maximo tres
año unda ta paga den e prome año 90%, di dos
80% y den di tres 70%. Es decir, cu sigur den
e prome año ta paga casi mes hopi na salario y
otro compromiso di doño di trabao, mientras
cu na impuesto riba salario y prima social go-
bierno ta haya menos den caha. Den un situa-
cion unda gobierno mester di ganashi rapido,
esey no ta yuda.

Ademas cu ta bin topa cu un otro realidad y
esey ta cu e volumen di salario y otro pago-
nan di e total di salario ta crece di forma au-
tonomo cu un par di porciento tur año. Esaki
a pesar di loke ta yama e 'natuurlijk verloop'
cu ta e personanan cu ta bay cu pension, cu ta
tuma retiro boluntariamente o ta haya nan re-
tiro pa cualquier motibo. Ta logico cu aki lo tin
un 'overlap' cu e areglo di VUT, pasobra por
ehemplo un persona cu tabatin plan caba di
kita boluntariamente, ta haci uzo di e areglo

di VUT. Contal cu ta obvio cu mester tuma
otro iniciativa si di berdad kier baha gasto
efectivamente. Por ehemplo, si ta papia di cri-
sis, anto mester actua manera ta crisis tin. Lo
ta bastante imprudente pa atende deseo di cu-
alkier grupo di funcionario, o departamento,
si esaki por tin como consecuencia cu otro nan
no kier keda atras y cu e argumento cu ta 'ley
pa un ley pa tur' den poco tempo tur funcio-
nario publico ta para dilanti Bestuurskantoor
pa exige mas pago. Na e momento aki ta aten-
diendo e asunto di e duaneronan. No ta trata
di e pregunta si den nan caso e reforma ta
hustifica of no; ta bay pa e hecho cu e por tin
un tsunami di exigencia como consecuencia,
sin cu ta rasona si esaki ta un caso riba su mes.
Ningun gobierno lo kier ta den e situacion ey.

Tin un otro forma pa reduci gasto di personal,
sin embargo, y esey ta un reduccion di tur sal-
ario den sector publico cu un par di porcien-
to. Generalmente ta considera esaki 'suicidio
politico' y ningun partido lo bay considera e
medida aki seriamente. Sin embargo, ta nec-
esario por lo menos contempla e posibilidad.
Un par di porciento por yuda bastante bon,
sigur si considera cu e payroll total no ta e fa-
moso Afl. 479 milyon, sino mas di Afl. 735 mi-
yon si tuma henter gobernacion plus e salari-
onan di sector subsidia. Pa prome biaha awor
CAft ta desea di mira e cifra total aki na luga
di e cifra pa gobierno reduci. Tambe tin un
otro opcion pa aumenta entrada, y esey ta ob-
liga e empresanan estatal modera nan payroll
te na un standard aceptabel, loke ta laga mas
ganashi pa gobierno den forma di dividendo.
Asina nan mester duna cara tambe ki maneho
e companianan ta hibando actualmente.

Tin un otro posibilidad mas, y esey ta e alter-
nativa di laga Hulanda atende e asunto. Nos
ta kere cu e variante aki tin bon posibilidad di
keda implementa. E formula ta simpel: pro-
duci un presupuesto cu no lo haya aprobacion
di CAft y laga Hulanda/Reino bin cu medida.
E ora por culpa nan di kier obliga gobierno di
Aruba haci algo imposibel y ta cumpli pasobra
Reino a ordena esey. E metodo no ta nobo,
Curaçao a purba esaki caba y a haya un respu-
esta fuerte, cu ta obliga nan gobierno pa tuma
paso y ta genera e mesun impopularidad cu
nan kier a tira riba Hulanda. Bon mira den e
asunto aki no tin scapatorio: ta tuma medida
impopular di propio boluntad o forsa pa Hu-
landa.

Brasil: Bolsonaro ta decreta suspension di kimamento pa dos luna



BRASILIA (Infobae) – Presidente Jair Bolsonaro diaranson pasa a firma un decreto cu ta prohibi e kimamento na henter e pais durante dos luna, pa purba di pone un stop den e multiplicacion di can-

delas na Amazon, fuentenan gubernamental cita pa varios medio di Brasil a informa.

E decreto, publica ayera den e diario oficial, ta suspende e uzo di candela durante e 60 dia proximo na tur territorio nacional, aunke ta mantene algun excepcion, di acuerdo cu loke e reporte a bisa.

E candela controla ta permiti pa Codigo Florestal Brasileiro den circunstancia determina (como practica agricola y forestal den cual su uzo ta husti-

fica), desde cu nan ta autorisa pa mecanismo di control.

Di otro banda, Presidente Brasileiro a ricibi diaranson pasa su homologo Chileno, Sebastián Piñera, cu ken a bisa cu a coordina un reunion di lidernan di paisnan di Amazon pa analisa e situacion di e candelanan.

E reunion, Bolsonaro a bisa den un rueda de prensa cortico hunto cu Piñera, lo mantene te cu dia 6 di september na Leticia, un ciudad Colombiano ubica na e frontera cu

Brasil y Peru y lo conta cu e participacion di e presidentenan di tur e pais Amazonico, 'excepto esun di Venezuela', Nicolas Maduro.

Bolsonaro ta enfrenta un presion interno y externo cu ta crece pa e candelanan cu a multiplica den Amazon den siman ultimo. Desde januari ta diamars, a registra 83.329 punto di candela na Brasil, mas di e mita (52,1%) na e selva Amazonico, segun dato di Instituto di Observacion Espacial INPE.

Colombia: Disidente di FARC Iván Márquez ta retoma lucha arma

BOGOTA (ElPais/AFP) – Ayera diahuebs, Colombia a lanta cu e confirmacion di un di su pio temor. Iván Márquez, ken tabata e hefe di negociacion di FARC den dialogo cu gobierno y ta den un luga desconoci desde un año pasa, a reaparece ayera na marduga, cu un video hunto cu otro ex Comandante di e guerrilla antiguo, pa anuncia 'un etapa nobo di e lucha arma'. E mensahe a aumenta e preocupacion di loke ta trata e implementacion fragil



di e acuerdonan di paz, cu a ser alcansa tres año pasa. "Ideologicamente nos no a ser venci, ni derota nunca.

P'esey e lucha ta continua. Historia lo registra cu a obliga nos pa retoma e armanan", Marquez a afirma na e video

den cual e ta hunto cu un grupo di homber arma cu fusil. Tambe tabata acompaña di dos lider importante di e Farsa Arma Revolucionario di Colombia, cu a ser aparta di su compromiso cu e Jurisdiccion Special di Paz (JEP): Seuxis Paucias Hernández, alias Jesús Santrich, kende ta rekeri pa husticia señala pa narcotrafico, y Hernán Darío Velázquez, El Paisa, kende tabata lider di un di e estructura mas peligroso di e insurgencia.

Aunke a sigura e decision di bolbe pa e arma, 'ta e con-

tinuacion di e lucha guerrillero den contesta pa e traicion di e Estado pa e Acuerdo di Paz', cu lo busca aliansa cu ELN, e guerrilla ultimo cu ta activo na Colombia, cu un presencia fuerte na e frontera cu Venezuela. Aunke Iván Duque, cu un año den poder, a sigura e necesidad di haci coreccion pa e pacto, un promesa di campaña, tambe a señala e compromiso di Gobierno pa acompaña e 10.000 ex-combatiente den proceso di re-incorporacion cu ta haci transito na e bida civil.

Maduro ta confirma contacto cu Noruega pa reanuda dialogo cu delegado



JOIN OUR TEAM

Tara Eco Horeca Supplies, a one of a kind supplier of healthy and environmentally conscious products

WE ARE LOOKING FOR

AMBITIOUS WHOLESALE MANAGER

- Responsible for complete wholesale operation to ensure growth and profitability
- Experience in Sales & Marketing, acquiring new lines, procurement, administration, and warehouse management
- Strong business sense, managerial / decision making skills

QUALIFICATIONS

- Proficient in English is required.
- Proven track record in a similar position
- Strong negotiation skill
- In-depth experience in excel & wholesale software
- Strong communications skills
- Must have some previous experience in F&B and Horeca supplies wholesale.

EXCELLENT BENEFITS:

Top salary with bonus arrangements, Pension Plan, Health-Disability-Life Insurances, Dental & Vision Insurance.

To apply, please send your resume by Email to
biemans@bucuti.com
Guaranteed confidential



CARACAS (Infobae/ABC) – Nicolas Maduro a revela diahuebs pasa cu e regimen Venezolano a tuma contacto bek cu gobierno di Noruega pa reestablece e proceso di negociacion cu e representante di Presidente Interino, Juan Guaidó.

"Mi por informa cu mi a tuma contacto bek cu e gobierno di Noruega, tabatin varios reunion, a tuma contacto bek cu e delegado di oposicion Venezolano", e gobernante e reconoce durante un entrevista cu e agencia estatal Chines, Xinhua.

"Mi a propone e creacion di un permanente mecanismo di dialogo, cu lo por ta capaz di pasa cualkier tormenta, cualkier situacion. Dialogo, pa e paz", el a agrega.

Diaranson pasa Juan Guaidó

a papia tocante e tema aki, el a sigura cu te e momentonan aki 'no tin fecha pa reanuda e mecanismo di mediacion di e reino di Noruega, te ora cu nos logra pa e ta algo sigur pa yega cerca di un solucion'.

Den e linea ey, e presidente interino a reconoce cu e proceso di dialogo, cu a cuminsa na mei pasa, te e momento 'no a funciona'.

Maduro, ken ta conta cu e apoyo di e militanan y algun pais manera Rusia, Cuba, China y Iran, a suspende e negociacion cu tabata tuma luga na Barbados cu mediacion di Noruega, dia 7 di augustus pasa y den rechaso pa e medida, a vries e activo di e gobierno Venezolano na Merca y ta menasa cu sancion pa e empresanan cu lo negocia cu e administracion socialista.



One Week Sale!
Augustus 26 – 31

Up to 50% off!


Stemma Trading N.V.
Aruba

*Pa cualkier pregunta of si ta desea mas informashon
Jama nos na: 583 3370 Of pasa bishita nos na
L.G. Smith Blvd # 146*

Advertorial

Stemma Trading cu “One Week Sale”

ORANJESTAD - Stemma Trading N.V. ta cera e luna di augustus cu un grandioso ‘One Week Sale’.

Tè cu diasabra 31 di augustus, Stemma Trading N.V. ta ofreciendo descuentonan te cu 50% riba tur sorto y modelo di tegels incluyendo riba cashi di baño. Cu e surtido extenso di tegels di diferente material, diseño y color bo por duna bo hogar un ‘quick mini make over’ den un cera di wowo na un prijs sumamente atractivo. Na mes momento bo por puntra pa e pego perfecto y tambe tips pa con pa cuida y mantene bo vloer nobo y bunita.



Si ta bo baño bo kier remodela of traha, awor bo ta di suerte paso na Stemma Trading N.V. bo ta haya hopi opcion. Sin lubida e cashinan di baño fabuloso. E marca Bolsoi ta divino y un di e faboritonan internacionalmente.

Pasa awe of mañan ainda y probecha di descuentonan sublime, sigur e miho deal di augustus pa ‘tune-up’ bo hogar.

Pasa na L.G. Smith Blvd 146 of pa mas informacion yama 583.3370. Tambe por bishita nos riba nos Facebook page Stemma Trading N.V. Aruba.

10 distrito lo participa den experimento cu marihuana

DEN HAAG - Dies distrito ta participa na e experimento cu marihuana, pa loke ta e maximo cu a palabra den acuerdo di gobernacion.

Bou di e districtonan participante tin entre otro Tilburg, Almere y Breda segun fuentenan. E intencion ta pa start e prueba den 2021. Un comision bou di profesor Knottnerus ta bini cu un conseho cu e lista completo di districtonan cu ta participa y ta spera cu gabinete ta sigui e recomendacion. Actualmente plantacion y entrega di cannabis na coffeeshop ta prohibi y ta tolera benta bou di condicionnan.

Den acuerdo gobernacion tin

para cu por haci experimentonan cu cultivacion di marihuana den 6 pa 10 distrito. Gabinete ta scoge 10. Tabata conoci caba cu e 4 ciudadnan di mas grandi no ta participa. Nan no ta di acuerdo cu tur coffeeshop den e distrito mester participa. E asina yama marihuana di estado tabata iniciativa di D66. Meta di e experimento ta pa investiga con por controla calidad di marihuana entrega na coffeeshop. Den esaki ta wak e efectonan di criminalidad, seguridad, molester y salubridad. Tweede Kamer a bay di acuerdo cu e ley pa regla e prueba. Eerste Kamer mester vota ainda riba e proposicion.



Abuso policial contra estudiante burachi



UTRECHT - Recientemente algun estudiante burachi a ocasiona bastante molester riba Paardenveld na Utrecht.

Ora Polis a presenta na e sitio e situacion a bay for di man. Riba media social por a mira imagennan di e incidente. Na restaurant Roost ba Singel cu studiantenan tabata drenta sali. Segun Polis, nan tabata molestia clientenan y susha e bañonan. E doño a bel Polis y na nan yegada, Polis a pidi e studiantenan pa bandona e sitio. Aki ta unda cu nan a nega di haci esaki y despues di un combersacion di 20 minuut no a keda polis nada mas cu forsa nan sali for di e luga. Ni asina nan no kier a tende. Pa e motibo aki a baha cu ma

duro y detene tres estudiante pa buracheria publico. Un Vocero Policial a bisa RTL Nieuws cu e trio a haya un boet na warda pa despues recobra nan libertad.

E studiantenan tabata reuni cu e Asociacion Veritas den parke, pero nan tabata haci uzo dje facilidadnan di e restaurant segun e doño. Esaki ta posibel, pero nan a bebe asina tanto y bira ferfelo.

A filma e detencionnan y pone esaki online. Por mira con un agente ta tene un estudiante na suela. Riba otro imagennan por mira con un otro estudiante ta interveni y e tambe keda detene. Hopi hende ta haya e intervencion di Polis bon, pero otronan ta haya esaki exagera.

Parlamento lo introduci medidanan cuminsando 1 september

WILLEMSTAD - E siman aki Parlamento di Corsou a aproba e propuesta di gobierno pa introduci medidanan cuminsando dia 1 di september.

E medidanan mester genera mas placa pa gobierno. Esaki ta implica aumento di impuesto special riba sigaria, cerbes, biña. E impuesto di desperdicio tambe lo aumenta. Segun Minister di Finanzas Gijsbertha tin hopi critica pa e medidanan. Pero e ta bisa cu no tabata scucha di ningun persona un alternativa cu por introduci pa un corto plaso.



SUPER Do it Center.

Bo Famia Pa Semper!

HOT
ITEMS

Weekly SPECIALS

Weekly SPECIALS



Vienna Sausage Pack

19.98

Per Pack



Lettuce Iceberg

1.99

Each



Onion Yellow 2Lb

2.59

Per Bag



Takis Fuego 1oz

0.99

Each



German Bologna

15.99

Per Kg



Chicken Legs Bone-In

3.99

Per Kg



Pork Chop

7.99

Per Kg



Rabo di Baco

11.99

Per Kg



Steamy Vegetables 12oz

2.99

Each



Califia Almond Milk Espresso 10.5oz

5.99

Each



Anchor Full Cream Milk 1lt

2.75

Each



Shredded Wheat Cereal 18oz

3.99

Each



Paper Towels Awesome Strenght 1 Roll

1.99

Each



Fabric Softener Ultra Mountain 34oz

6.99

Each



Dove Beauty Bar White Soap 100gr

1.49

Each



Wine Glass Assorted 6 Pcs

26.95

Each



Drinking Glass Assorted 6Pcs

26.95

Each



Inbouwsport E27 White Finish

29.95

Each



Ronco Pizza Oven

175.00

Each



Budweiser Bottle 7oz

54.99

Per Case

*Offer is valid from 30 August - 05 September 2019 and while supply lasts

THANKS FOR SHOPPING LOCAL.

Clasificado

ECONOMICO

Personal GRATIS max. 20 palabra

PASA LAGA BO AVISO NA OFICINA DI BON DIA
ARUBA WESTSTRAAT#22 FOR DI 9:00AM-4:00PM

Email nos na
classified@cspnv.com

TA BENDE

Commercial property in Bar-
cadera, build-up 424 m2, land
2400 m2 for \$337.000
Tel. 593 6318

TA HUUR

Apt. na Tanki Leendert pa 2per-
sona Afl.700/luna y Afl.700 dep.
utilities apart pa drenta 1 Sept.
Tel: 567288

SERVICIO PUBLICO

ta yuda busca cas
pa compra of huur
Tel. 563 1449

TA BUSCA

Un apartamento pa huur sin
mueble, mi tin tur cos, pa un
Sra.. area Playa/Noord
Tel.742 3818 / 561 3910

SERVICIO PUBLICO

ta haci tur tipo di trabou
di costurera
Tel. 593 2085

For Sale / For Rent

trailer 2 habitaciones y 1 baño
en Santa Cruz para mas
información yama
Tel. 5927934

TA HUUR

Cas grandi na Playa di 3
camber, sala, cushina, baño
Fls.2000 p/l + deposito
Tel. 594 8842

Ta Huur

Apartamento na Pch
Afl. 800 plus deposito
Incl. Cable, fridge y stove
Tel. 5671462/5640331

SERVICIO

Unified One Events
Photos , films, wedding
Tel. 749 2533

SERVICIO PUBLICO

Master Nails
Pa e miho servicio y experiencia
den mantencion y atencion pa
bo huñanan. Yama pa un cita
Tel. 744 9214

SERVICIO PUBLICO

Ta haci tur trabou di
construccion y carpinteria y tur
cos cu ta furamento di stul
Tel : 746 0518

SERVICIO PUBLICO

Sra. ta busca trabou den cuido
di mucha y anciano y tambe
limpieza di cas of oficina
Tel. 749 6870

SERVICIO PUBLICO

Buscando auto pa huur y na
bon prijs? yama nos
Tel. 593 9953/ 593 8453

SERVICIO PUBLICO

Handyman
pa tur trabou di verfmento,
plumbing tuberia, chapi, limpieza
di cura, drecha mata. contact.
Tel. 568 3728

SERVICIO PUBLICO

Barata Barata
Nos ta chapi, lanta sushi, spuit
veneno, corta mata, na bon prijs
Arubiano balente
Call 592 5766

SERVICIO PUBLICO

Pa haci trabou di verf y chapi,
tur mantencion di pafor di cas
Yama y puntra pa Benito na
Tel.593 0040

Te Huur en of Te Koop

Woonhuis plus Omheining
2slaapkamer, 1badkamer
keuken/woonkamer
voor/achterporch Babijn
1650 florin P/M plus borg
Tel. 7417262

TA HUUR

Per aug groot appartement
1of 2 personen slaapkamer
met airco inverter
ongemeubileerd 1000,- p/m
gemueubileerd 1200,- p/m
excl. elektra & gas
Tel. 747 2298

SERVICIO PUBLICO

Christina God Gifted Spiritualist
I specialize in love marriage
I will reunite the separated
I remove all evil negative
energy
I succeed where others have
failed fast immediate results
1-561-557-9540

SERVICIO PUBLICO

ta drecha tur sorto
di Imagen y verf
Tel. 584 2489

GRATIS

Nos ta piki tur sorto di auto bieu,
gratis. Tambe airco, bateria,
stoof, wasmachin, frigidair etc
Tel. 561 4297 / 561 5179

SERVICIO PUBLICO

Ta haci tur trabou di
construccion y carpinteria y tur
cos cu ta furamento di stul
Tel : 746 0518

SERVICIO PUBLICO

Masaje relajante, sports ma-
sajes, aroma terapia, piedras
calientes, reflexologia, faciales
Sabana Basora # 157 P.Ch.
Tel. 561 8520

FOR RENT / TA HUUR

1 Apartment full muebla
cu airco incluye gas, awa, elect.
Por drenta awe mes, ta keda
highway Sta. Cruz
Contact Cel. 741 8637
of 899 0746

TA HUUR

Bachi pa tur ocasion
Tel. 749 2533

TA HUUR

un cas
3 kamber/2 banjo, exclusivo,
Afl. 2.750,- p luna, Monte
Verde Residence, jama
Tel.592 9966

TA BENDE

BBQ Grill tipo cilinder
"criyoyo" duradero
Prijs Afl.250
Tel. 569 7787

SERVICIO PUBLICO

Construction
remodelacion di cas, traha cas,
apartment, traha y drecha dak,
electricidad, verf pega mosaico,
traha cura, plomeria. Bon prijs
Tel. 593 3141

SERVICIO PUBLICO

Gran Feria di Fruta y Verdura
na Rococo Plaza diahuebs,
diabierna y diasabra 3 or te cu
8 or anochi . Tur siman

TA BENDE

un cas na Caya Solo/ Tarabana
Residence di 3 kamber y 2
baño, pa Fls.350.000 yama na
Tel. 593 6318

TA BUSCA

Señora ta busca trabou
domestico (limpieza di cas)di
dialuna pa diabierna
Tel.746 5697

TA BENDE

Isuzu Trooper 1990
Afl.1500

Mitsubishi Montero 1999
Afl.3000

Cel. 597 7815

TA HUUR

1 Studio apt. muebla (airco
separa) pa Fls.850 serka di
highway di Santa Cruz.
Hende serio so !
Tel.741 8637 / 699 0746

TA BENDE

off huur un trailer de 2 kamber
1 baño sala y cocina pa mas
información yama
Tel.5927934

TA HUUR

camber pa 1 persona, muebla
pa Fls.475 pa luna, por drenta
mesora. Hende serio so !
Tel.741 8637 / 699 0746

SERVICIO PUBLICO

recojemos todo tipo de basura
(nevera, estufa, etc)
Tel. 564 1979

TA HUUR

un apartament di 1 kamber,
exclusivo, pa 1 persona, Afl.
750,- mas 1 luna di deposit.
Reamuurstraat, Companashi
Tel.5929966

TA HUUR

Apartment full muebla 2 kamber,
sala-comedor y cushina. Area di
Baby Beach. Pa mas info.
Tel. 569 8007

TA HUUR

Studio Apart. pa 1 persona
inclui utl. exclui electr. na
San Nicolas 650 p/l + dest/
Disponibile 1 juni
Tel : 584 1008 / 563 9483 /
594 2502

ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI

MAS CERCA DI BO!



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

Yama na telefon: 582-7800 of manda un email na accounting@bondia.com
www.bondia.com

Biblioteca Nacional Aruba:

‘Stimula mucha den comunidad pa sigui lesa’



ORANJESTAD – Biblioteca Nacional di Aruba tin como un di su tareanan pa stimula muchanan pa lesa mas. Esaki mirando tur e beneficienan comproba cu lesamento tin pa desaroyo infantil. Cu e meta aki, Biblioteca Nacional ta presenta un biaha mas e Festival di Buki.

Dia 1 di november tin apertura pa di 7 biaha e Festival di Buki cu e tema

Transporte y cu lema ‘Ban Lesa, Biaha y Gosa’ na Cas di Cultura, di 6pm-8pm. E Siman di Buki lo ta di dia 4-8 di november.

Josmar Sneek, coordinador di Festival di Buki pa Biblioteca Nacional, a bisa cu lo tin invitado di diferente pais, manera Hulanda, Colombia, Corsou, Bonaire y Aruba. Durante e siman e scolnan lo participa. E clausura lo ta dia 8 di november proximo.

Sneek a menciona cu a tayer cu lo tin pa maestro e aña aki ta di dia 30 september te cu 3 di october. Esey ta pa corda esunnan cu no a pone nan nomber ainda, cu por inscribi, pa e scol cu kier participa na e tayer na Biblioteca Nacional.

E autor di regalo di Siman di Buki ta Richard Dabian. “Esey ta e buki cu biblioteca ta regala na tur mucha na scol. Despues nan por cumpra e buki na e libreria cu ta participando den e festival.

Presidente di Quota, Ivy Simon-Hernandez, ta expresa cu ta di dos aña cu nan ta sponsor principal di e festival.

Nan ta contribuyendo cu e proyecto pa 10 aña, pa motibo cu nan ta kere den lesamento y contribucion cu miembro di biblioteca ta haci pa stimula muchanan di comunidad di Aruba pa nan lesa.

Richard Dabian ta gradici na e comision cu a duna oportunidad pa desaroya mas den e tereno di skirbi. E titulo di e storia ta ‘E faro di multicolor’. “Nos tin cu corda cu mucha den nan mundo ta wak color, ta busca estabilidad y siguridad. Ki miho simbolo cu un faro.”

Dabian ta splica cu e ta storia ta conta di 4 amigo cu ta bay experimenta mundo magico, ‘e mundo di fantasia di e faro multicolor’. Un mundo unda e muchanan su soño ta bira realidad.

“E buki lo duna idea pa muchanan cu tin soño, y ta keda na nos pa brinda ayudo y guia manera e faro pa nan por yega na nan meta y realisa nan soño.

Ta spera pa bay na agrado di e lesado y pa bay mas leu, na contribui na mucha di Aruba y trece impacto durante Festival di Buki”, Dabian ta expresa.

Pablo ‘Shon Pa’ Kelly, musico clave di Mariachi na Aruba

ORANJESTAD – Mañan, diasabra dia 31 di augustus lo tuma luga e Festival di Musica Mexicano. Pa cu esaki, Fundacion Artista bou auspicio di Unoca ta invita pueblo pa cera conoci cu Pablo Kelly, integrante clave di Mariachi Perla di Aruba.



Pablo Kelly a nace dia 23 di juli 1933. E ta e di dos yiu homber di Victoriano y Maria Salome Kelly. Pablo a lanta na Tanki Leendert den un famia di 8 ruman. Desde un edad hopi jong, Pablo a cuminsa toca trompet y a forma parti di tanto bandanan musical como gruponan di Mariachi.

Den e mundo di Mariachi, Pablo ta hopi conoci, como cu el a organisa diferente festivalnan di ranchera na Aruba y tambe a organisa festivalnan di ranchera ABC. Pablo a forma parti di Mariachi Aruba, Mariachi Perla di Aruba, Mariachi

Orguyo y Mariachi Lirios del Campo. Tambe Pablo a sa di representa Aruba internacionalmente den festival di Mariachinan na Ciudad di Mexico.

Mariachi Perla di Aruba tambe tin e siguiente historia di e bunita trayectoria musical di Kelly, cariñosamente yama ‘Shon Pa’.

Na aña 1962 Kelly a ingresa den Mariachi ‘Perla di Aruba’. E aña ey ‘Pablo hunto cu Perla’ a graba e prome disco 45 cerca Kelboom, cancionnan: Un mal amor y Pobre Vaquero, composicionnan di Supriano v/d Linde, canta pa Bertando Henriquez. E tempo

ey ‘Pablo hunto cu Perla’ a compaña Tito Guizar y Lilia Guizar den Show di ‘Padu del Caribe y su Show’. Esey tabata na 1964. E aña ey Kelly a retira di Mariachi Perla di Aruba. Na aña 1979 Kelly a regresa ‘Mariachi Perla di Aruba’ pa bay toca na Festival di Antillas na Corsou. E Festival ey a ser organisa pa sr. Jossy Brokke Jr.

Na 1980 bao direccion di Kelly e prome longplay a wordo graba. Esey tabata cu e mesun cantantenan cu a representa Aruba den e Festival di Antillas. E mesun aña el a organisa e prome Festival di Cancion Mexicano riba tereno di feria na Sta.Cruz,



unda tur e mariachi di Aruba a participa.

Tambe el a organisa e prome Festival Infantil di Cancionnan Mexicano na Bonaire Club y tambe Antillas. E mesun aña el a organisa tambe un tour pa Mexico, y e Segundo Festival di Cancionnan Mexicano pa Aruba y Antillas. Na aña 1981 Mariachi Perla di Aruba a graba su di dos LP bao direccion di Kelly.

Sr. Pablo Kelly hunto cu ‘Mariachi Perla di Aruba’ a organisa den Club IO-WUA un Show di 25 Aniversario di Mariachi Perla di Aruba cu musica di mariachi y baile. Sr. Pablo Kelly a laga traha un ‘Cancionero’ na e ocasion di e 25 aniversario di Mariachi Perla di Aruba.

Na 1982 Kelly a organisa e prome Festival di Cancion Mexicano na Papiamento, na Club Caiquetio, y bao direccion di Kelly e di tres LP a wordo graba. Na aña 1983 Kelly a tuma su retiro di Mariachi Perla di Aruba.

Na aña 1992 Kelly a regresa cu Mariachi Perla di Aruba, cu tabata toca den tur hotel y algun sitio priva. Bao direccion di Kelly, Mariachi Perla di Aruba a biaha pa e prome ‘Encuentro Internacional’ di los mariachis Guadalajara.

Na aña 1995 Kelly a tuma su retiro y despedida di ‘Mariachi Perla di Aruba’.

Mariachi Perla di Aruba, bou direccion di sr. Miguel v/d Linde kier gradici Kelly pa tur e añanan cu el a labora cu Mariachi Perla di Aruba, pa su aporte, tempo y dedicacion



Dos auto a accidenta na Papaya

PAPAYA - Diahuebs durante oranan di merdia na e t-weg di Papaya banda di Camry supermarket a sosode un accidente. Aki ta unda chauffeur di un Nissan Almera a subi caminda dal den un Nisan Teanna.

E impacto a laga un persona herida. Ambulance a presenta y paramediconan a brinda asistencia medico na e victima. Daño material tabata considerabel.



Pickup sin lona ta laga desperdicio cay riba caminda



PARADISE BEACH VILLAS IS LOOKING FOR

*Human Resources Manager
Maintenance Supervisor
Maintenance All Around Attendant
Pool, Beach & Towel Attendant
Food & Beverage Operations Lead
Server/Bartender
Cook*

Requirements:


Preferable Aruban or with valid work permit
Dynamic/Energetic person
Experience working in the hospitality industry
Team player
Must speak English and Spanish

We offer:

Competitive Salaries
Pension Plan
Dental & Vision Insurance
Meal Allowance
Health Plan

TO APPLY:

Please email your resume and cover letter to humanresources@paradisebeach.aw or for more information please call 525-4000 ext. 164



ORANJESTAD - Pickup cu ta transporta sushi pa Dump, a laga un cantidad grandi di sushi y zink riba e caminda principal di San Nicolas pa Playa.

Mirando cu team di BCI tawata riba caminda nos a ruim op di biaha loke cu e pickup a laga atras. Shonnan ban cuminsa uza lona pa tapa baki pickupnan, e ta peligroso bo por kibra un auto of por ocasiona un accident y tambe bo ta susha nos medio ambiente. Como vocero di BCI mi ta kere cu a yega momento pa cuerpo policial cuminsa tuma ley den man y cuminsa controla esaki, pasobra e ta birando dimas y mester cuminsa parti boet riba esaki.



Awo cu 2 florin mas, bo por gana e **MEGA PLUS**

*** Afl. 360.000,-**

*** Afl. 260.000,- + Afl. 100.000,-**
sorteo ta awe nochi **extra**

Obtenibel na cualkier rebendado di Lotto.




Candela grandi di mondi na Savaneta

SAVANETA - Diahuebs pa mas o menos 12:30 merdia centro di alarma a haya basta yamada, tocante un candela grandi di mondi cu ta yegando cerca di casnan na Savaneta.

Di biaha a despacha unidad di brandweer pa e sitio, e candela a cana basta lihe mes. Bomberonan a drenta accion di biaha pa combati e candela pa asina e no menasa e casnan den cercania.



Holo hopi malo tabata sali di Calloway Inc.



ORANJESTAD – Personal di Bureau City Inspector a wordo manda pa un caso na Calloway inc. Parce cu un holo hopi desagradabel tabata saliendo di parti pazuid di e luga.

Segun un relato di BCI, na yegada a haya asistencia di esunnan encarga pa wak loke ta pasando na e sitio. En berdad e holo desagradabel tabata leak for di e baki unda nan ta deposita e restonan di loke nan ta cushina. Segun personal encarga cu maneho e dia ey na Calloway a splica cu a tuma contact cu Ecotech caba, mirando cu e baki posiblemente no a wordo bon cera. Mirando cu mester a keda warda, a conseha pa keda laba e substancia cu awa y uza kimico pa kibra e holo, asina wardando riba reemplaso di e baki.

A pasa e caso despues pa D.V.G. pa sigui cu e esaki.



Menasa pa Florida cu horcan Dorian

MIAMI (AP) – Cu poco daño na Puerto Rico y Virgin Islands, e forsa di horcan Dorian ta creciendo y ta birando un menasa pa Florida. Ta posibel cu e yega e estado pa fin di siman.

Na algun parti di e costa di Florida, hende a cuminsa cumpra cuminda y articulo di emergencia den supermarket. Den stacion di gasolin, hende a yena tanki y nan baki di gasolin.

Segun team di pronostico a bisa, ta spera cu Dorian lo bira un tormenta peligroso di categoria 3, te hasta por yega categoria 4 prome cu e crusa Merca dialuna na algun luga entre Florida y zuid di Georgia.

Presidente Donald Trump a bisa cu Florida lo ta ‘totalmente prepara’, pidiendo pa hende sigui instruccion estat-

al y federal. Josefina Larrauri, un ciudadano, a bay un supermarket na Miami pa haya e rekinan bashi den e seccion di awa. Trahadado di e luga no tabata sigur pa ki tempo otro cargamento di awa lo drenta.

Ultimo ora di diahuebs, Dorian tabata na Puerto Rico. Tambe tabata peliger na Bahamas. Ta spera cu e tormenta cuminsa bay na awa cu biento faborabel, asina a bisa investigado di horcan na Universidad di Miami, Brian McNoldy.

“Pa mañan, no tin un obstaculo den su caminda. Si e yega tera como horcan categoria 3 of 4, esey ta un problema. Hopi hende lo ta afecta, lo tin hopi reclamo di seguro”, McNoldy a bisa.

Gobernador di Florida, Ron DeSantis, a declara Estado di Emergencia y gobierno local a distribui saco di tera. Algun



residente lo uza grupo comunitario riba Facebook pa actualisa ki tienda a haya cargamento nobo di awa.

Oposicion ta crece pa suspension di Parlamento

LONDON (AP) – Dori e decision di Prome Minister Boris Johnson pa suspende Parlamento, movimiento di oposicion ta crece pa medio di protesta, accion legal y un peticion cu a colecta mas di 1 milyon firma.

E plan di Johnson ta duna su oposicion politico menos tempo pa evita un Brexit di caos sin acuerdo prome cu e fecha di retiro, dia 31 di october. Legisladoronan a pidi un corte Escoces pa duna veredicto cu suspende parlamento ta ilegal.

Pero lider di Congreso, Jacob Rees-Mogg, a desestimar e rabia, describiendo movida di Johnson como constitucional y apropiada. “Mi ta kere e rabia ta falso y ta crea pa hende cu no kier nos bandona Union Europeo, y ta purbando hopi duro pa cambia e resultado di e referendum”, el a bisa BBC.

E accion di Johnson, kende a bira Prome Minister luna pasa, a ocasiona ruptura a traves di e spectrum politico, incluyendo entre miembronan di su Partido Conservado. Lider conservado Escoces, Ruth Davidson, kende a haya diferen-

cia cu Johnson den pasado, a renuncia na su puesto di lider diahuebs. Maske e lider popular a cita motibo familiar, e tempo pa un decision asina despues di e movida di Johnson a sugeri e ta den desacuerdo cu su tactica.

Otro den e partido ta mas obvio cu nan preocupacion. Legislado Senior Conservado, Ken Clarke tabata entre esunnan describiendo e suspension di Parlamento como ‘absurdo’. “El a baha cabes pa e elemento fanatico di su siguidonan”, el a bisa. “Mi ta spera e lo trece hunto e mayoria sensibel di Parlamento pa busca un alternativa.”

E expresionnan di rabia ta sigui tres aña di tension despues di e referendum na 2016 riba miembresia di Union Europeo, den cual 52% di votado a faborece e retiro.

E principal negociante di Brexit di UE, Michel Barnier, a adverti Johnson cu e pais no por bay bek. “Den tur circunstancia, UE lo sigui proteha e interes di nan ciudadano y compania. Asina tambe condicion di pas y estabilidad na Isla di Irlanda”, Barnier a bisa.



JOIN OUR AWARD - WINNING TEAM

Ranked among top 10 Hotels In the World by TripAdvisor
Featured in top 10 Hotels In the Caribbean by Travel + Leisure

EXCELLENT BENEFITS:

Competitive Salaries, Pension Plan, Health-Disability-Life Insurances, Dental & Vision Insurance, Savings Plan, Loan Availability, Shift Meal, General Bonus.

REQUIREMENTS:

Proficient in English for all positions is required.

HUMAN RESOURCES MANAGER

- Previous relevant HR experience required
- Excellent verbal and written skills in English and Dutch, Papiamentu and Spanish are a plus
- Excellent administrative skills including Microsoft office, experience with HRM software is a plus

MAINTENANCE TECHNICIAN

- HVAC, Mechanical and electrical skills / experience
- Ability to work shifts, flexible and can work independently
- Prior relevant work experience required.

CHEF DE PARTIE

- Detail-oriented, knowledge of HACCP & food safety
- Must have experience in fine dining and be familiar with special diets
- Must be able to delegate to a small kitchen team

PART-TIME HOTEL DOORMAN

- Previous customer related experience is an asset
- Excellent communication skills, strong interpersonal abilities and a professional presentation
- Highly responsible & reliable
- Ability to work well under pressure in a fast paced environment
- Ability to work cohesively with fellow colleagues as part of a team
- Ability to focus attention on guest needs, remaining calm and courteous at all times

To apply, please send your resume by Email:
jobs@bucuti.com or Call: 583-1100 ext 136 for more information.

Biografia di Jacinto C. Chinto Croes



ORANJESTAD - Fundacion Artistar bou auspicio di Unoca tin e gran honor di dedica e Festival aki na tres baluarte cu durante hopi añaa contribui pa engrandecenos Cultura Musical den diferente genero. Cu su 15 añaa Jacinto C. Croes conoci como Chinto Croes, e trompetista, a start cu les di musica cerca Frere Fredericus.

Cu e edad hoben ey te cu su 18 añaa e tabata integrante den e banda 'Estrella Musical'. Despues den 'Impacto Musical' como trompetista pa 3 añaa. Chinto tambe a lanta su mesun Banda 'Combo A' (Combo Aruba) y a sa di mantene pa 6 añaa tocando Bach Trombone, e tabata director musical, areglista, cargado di instrument y organisado di Fiestanan bailabel. Despues el a integra den 'La Inspiracion' y 'Los Juveniles', bandanan hopi popular di Aruba. Chinto a participa tambe como cantante den Tumba Festival y a compone pa Henry Kock, Mario Steenen y hobennan cu a bay cu Corona di Reynan Infantil manera, E Pato, E Trein, 'Kokoyoco ta mi te guy' canta pa Rupi Rupi Croes y Derrick Dubero tambe a conquista e corona! Como areglista Chinto a yuda pa e Road March King Tito Flores (di feliz memoria) cu e cancion ganado King Kong!

Asina Chinto Croes a sigui aregla y compone pa varios artista local cu temanan tipico, cancionnan Mexicano y otro genero. Tambe pa Dia di Sta Cruz, Himno di Ekipo di Estrella,



areglista principal den e produccion di Chaly Croes "Mi guitarra y serenata" cu e 'Duo Oro' Berta y Ailene! El a aporta na hopi Festival di Dande. El a compone hopi tema pa Festivalnan di Himno y Bandera, den tur Chinto su composicionnan y areglo a sa di cay den premionan! Boso ta corda e famoso tema "Sopi



Yuwana"? Chinto a graba na Venezuela cu Casa Disquera Fideles cu Los Juveniles, den temporada di fin di añaa, tur tempo di Folklor y tambe cancion pa Betico Croes (dfm).

Mariachinan cu el a participa tabata; Mil Amores, Mariachi Guadarricana, Copa de Plata, Aruba y Mariachi Estrella. Akinan el a participa den tayer na Mexico y a toca tambe cu Mariachi Perla di Aruba den e encuentro cu miho Mariachinan di Mundo! Chinto a participa tambe den Show di Ana Gabriel na Aruba. Naturalmente Curaçao, Boneiro y Hulanda no a perde Chinto su presentacion como trompetista.

Chinto su hobby tabata futbol cual e tabata hunga pa Union Sta Cruz, Vitesse y Centro Deportivo Ayo. El a funda S.V. Sporting y tabata miembro di A.V.B. Chinto Croes a combina Deporte y Musica cu a resulta fantastico pa su trayectoria musical.

Jacinto C. Croes 58 añaa a duna su tempo valioso pa mantene nos Cultura y Amor pa Musica y deporte!

E lo ricibi su merecido Homenahe den e Tercer Festival di Musica Mexicano Organisa pa ARTISTAR (Artistanan cu Amor pa Musica y Arte) y UNOCA unda 4 Categoria lo tembla 'China Club' riba diasabra 31 Augustus pa 7'or di anochi.



POP Festival yena cu ambiente

ORANJESTAD – Recientemente a tuma lugá POP Festival organisa pa Fundacion Artisar. E participantenan a duna un bunita presentacion y e publico presente a gosa y apoya e hobennan. E festival tabata bon bishita.

E huradonan sigur tabata tin un tarea dificil pa asina scoge e ganado. Aki tin un bista fotografico di e anochi aki.



Aruba Airport Authority N.V.,
company that manages and operates
Aeropuerto Internacional Reina Beatrix
is looking for an

Airport Sweeper

More information is available on
www.airportaruba.com and/or
facebook.com/ArubaAirport

Hulandes ta gana titulo mundial di judo



TOKYO (dutchnews.nl) – Hulanda a gana un titulo mundial di judo pa prome biaha den 10 aña, un victoria di Noël van 't End na Tokyo.

Luchando pa prome biaha den un pelea di campeonato mundial, Van 't End a vence e favorito Hapones, Shoichiro Mukai – kende tabata musta asina altera cu el a keda cu su cara abou riba e mat pa varios seconde.

E Hulandes di 28 aña di edad, kende ta bringa den e categoria bou 90kg, ta e di seis Hulandes pa gana un titulo mundial.

Serena Williams ta evita perdida den US Open contra adolescente

NEW YORK (AP) — Serena Williams tabata den problema, brevemente, contra e Mericano di 17 aña di edad, Caty McNally.

Ahustando su serve y mehorando su otro tironan, Williams a evita locual lo tabata su perdida di mas trempan den 19 aparicion den US Open, recuperando pa vence McNally 5-7, 6-3, 6-1 den un partido cu a caba mientras diaranson a bira diahuebs.

“Obviamente, e lo mehora su nivel. Mi tabata sa cu esey lo pasa”, McNally a bisa. “Otro

biaha, mi mester djis eleva mi nivel na esun di dje.”

Williams a mehora na 38-0 den e prome dos ronda na Flushing Meadows. E unico biaha cu el a perde trempan tabata den di tres ronda na New York durante su debut den torneo na 1998 – ora e tabatin apenas 16 aña di edad. E siguiente aña, el a gana su prome di seis campeonato US Open, mientras McNally no a nace ainda.

McNally no a gana niun partido den torneo mayor te cu dialuna. E tin rango 121 y a ricibi un invitacion Wild

Card di US Tennis Association pa singles y doubles, den cual e ta partner cu e sensacion di 15 aña, Coco Gauff.

“E ta jong. Ta su prome biaha den un escenario asina, y apenas su di dos Grand Slam, pues mi ta kere e tin hopi pa gana”, segun Lynn Nabors-McNally, mama y coach di Caty.

“Maske mi lo prefera di no haya un test den tur partido, esey no ta realidad. Ta importante pa mi tin partidonan asina, hopi dificil”, Williams a bisa.



Herrada ta gana etapa 6, Teuns lider general



ARES DEL MAESTRAT, España (AP) — Un dia despues di mira su ruman grandi perde un victoria den etapa, Jesus Herrada a logra un esfuerso na e subida final pa gana e di seis etapa di Vuelta España ayera, cu e Belga, Dylan Teuns na di dos luga pa bay cu e liderazgo general.

Herrada a pasa Teuns cu apenas 200m faltando den kilometer 198.9 di e etapa, cu a caba na cumbre di un montaña na Ares del Maestrat, oost di España. E coredo di Team Cofidis a finalisa shete seconde dilanti di su oponente di team Bahrain-Merida.

“E victoria aki ta pa mi ruman homber, kende a casi logra e victoria ayera”, segun Jesus Herrada, kende no por a wanta su lagrima

despues di crusa e linea final. “Tabata dificil. Ora Teuns a acelera, mi a pega na su wiel y conserva energia pa e sprint.”

Tabata e prome victoria di Grand Tour pa Herrada, kende aña pasa a bisti e jersey cora di lider den dos etapa di Vuelta. “E victoria aki tabata mi meta pa e aña, pa haya mi prome victoria den Grand Tour”, e coredo di 29 aña a bisa.

Teuns, di 27 aña, tabata buscando su di dos victoria den Grand Tour e aña aki. El a gana etapa 6 di Tour de France na juli. “Lo tabata nice pa tambe gana e etapa, pero mi ta contento cu ‘La Roja’”, Teuns a bisa.

Awe, e coredonan ta enfrenta un etapa di 183km cu lo caba cu otro subida dificil na cumbre di un montaña.

Famia di basebolista asesina na Virginia



CHATHAM (AP) — Cuña di un pitcher di liga menor di baseball a asesina e esposa, yiu baby y suegra di e atleta, prome cu a captur'e sunu durante un persecucion den un comunidad chikito di Virginia, segun autoridadnan a bisa diaranson.

Matthew Thomas Bernard di 18 aña di edad a wordo aresta despues cu polis a adverti di un homber arma peligroso, despues di a haya e curpa di e fayecidonan diamars mainta na un cas na Keeling.

Ruman muhe di Bernard, un di e victimanan, tabata casa di Blake Rivens, un pitcher di 24 aña di edad, di Montgomery Biscuits di Alabama, un afiliado di Double-A di Tampa Bay Rays.

Noticia di e asesinato a pone e Biscuits cancela nan partido diamars.

Investigadonan ta purbando di determina un motibo, sheriff di Pittsylvania County, Michael Taylor, a bisa. Taylor a identifica e victimanan como Joan Bernard di 62 aña, mama di e sospechoso; su ruman, Emily Bivens

di 25 aña; y su sobrino, Cullen Bivens di 14 luna di edad. Cullen tabata yiu di Emily y Blake Bivens.


Durante e persecucion diamars mainta, involucrando 100 oficial, scolnan tabata cera y un tanki y vehiculonan arma tabata na Keeling.

Autoridadnan a bisa cu Bernard a sali sunu y sin arma for di mondi como cuater ora despues, coriendo dilanti di camaranan di television pa bay parkeo di un iglesia, unda a mir'e purba di choca un trahado di e iglesia.

Un oficial a tira pepper spray y dal Bernard cu su baton prome cu el a ser captura cu ayudo di un cacho di polis. Bernard a bati su cabes contra e haula den e vehiculo di polis unabes den custodia, y a keda transporta hospital pa tratamiento, segun Taylor. El a sali di hospital y bay prizon diaranson, unda e ta bou protocol di prevencion di suicidio.

Bernard ta teni sin fianza, enfrentando tres cargo di asesinato den prome grado y uzo di un arma di candela durante un robo, segun documento di corte. Un audiencia inicial na corte tabata poni pa diahuebs anochi. No tabata conoci si e tin un abogado cu por comenta.

Documentonan pa determina fianza pa Bernard ta muestra cu e tabata alumno di un universidad comunitario y trahando den negoshi di su mayornan.



Ateliers '89 Academia di Bellas Artes Aruba, cu otro super workshop **FOTOGRAFIA** pa luna di September bou dirección y guía di e conocido maestro artista fotógrafo

Fernando Vermeer!

Pa inscribi mail na elvis@ateliers89.com of por yama door di siman na telefonnan 56564613 o 5885776.



Dominicanessenstraat 34, Oranjestad.
www.ateliers89.com

**INSCRIBI AWOR
YA CU CUPONAN
TA LIMITA!**

Sponsor: **UNOCA**

Team Hulandes di hockey femenino ta gana campeonato Europeo

ANTWERP (dutchnews.nl) — Despues di un cuminsamento dificil den e competencia, e team Hulandes di hockey femenino a gana e titulo Europeo pa di 10 biaha, venciendo Alemania 2-0 den e final na Antwerp.

E victoria tambe ta garantisa

Oranje un spot den Olimpiada na Tokyo proximo aña. E titulo olimpico ta e unico no teni pa e team femenino, cu ta e actual campeon Europeo, Mundial, y di Liga Profesional.

“Esaki tabata un aña fantastico y nos no por warda pa Tokyo”, segun capitan Eva de

Goede despues di e partido. “E team aki ta yen di confianza den su mes, hasta ora cos bay malo, y esey ta algo impresionante.”

E team Hulandes masculino, campeon defensor Europeo, mester a conforma cu e medaya di brons. E titulo masculino a bay pa Belgica.



Relojes
Pulseras
Cadenas
Dijes

Nos ta graba
tur sorto di
articulo
di metal
yama of
bishita nos

Tanki
Leendert 178-A
Tel: 587 3940
Fax: 587 2478
Cell 592 9055
email: adalbertovilla@live.com

“COMPRA Y VENTA”

Bachue
Joyeros

Compramos
Vendemos
Arreglamos todo tipo de Joyas
Contamos con un Buen Surtido de
Pulseras y Baterias para Relojes
Habri di Dialuna pa Diasabra
9:00am pa 1:00pm y di 2:00pm - 6:00pm

BACHUE

**JOYERIA
COMPRA Y VENTA**



Abo!

No tin tempo
pa Laba y Seca bo
Pañanan!

Pasa y Laganan na:

AQUA
LAUNDRY

Habri di Dialuna pa Diasabra
7:30am non stop 7:30pm
Diadomingo de 9:00am - 1:00pm

Tel: 587 0772



Resultado Copa Jerry Gomes 2019



ORANJESTAD - Recientemente Scherm Club Don Bosco Knights tin e resultadonan di e campeonato Copa Jerry Gomes 2019 cu a tuma luga na IBISA San Nicolas.

Categoria #1 Degen.
1. Desmond Tromp
2. Nykiana Thompsom
3. Rensley Casuela

Categoria #2 Degen.
1. Shellian Thompson
2. Shawndrella Blanco
3. C-Jen Thompson

Categoria Sabel.
1. Migdaliene Jansen
2. Shawndrella Blanco
3. C-Jen Thompson
Pabien na tur e ganadonan y mayor nan cu a yuda nos.

Dos scol di Taekwondo a biaha pa Costa Rica

ORANJESTAD - Diamars atardi Aruba su team di dos scol di Taekwondo a biaha pa Costa Rica hunto cu nan mayornan. Samuel Rosales ta representando Noord Taekwondo Center bou guia di Grand Master Chaco Cornelio, Master Melvin Rasmijn y Master Yoshmar Wever.

Danon Delamore y Joshua Klabér ta parti di Brazil Taekwondo Stichting su team di "Train Hard Fight Smart". Aruba su team tin cu registra pa haya nan credencial. Diahuebs, Diabierna, Diasabra y Diadomingo nan ta cuminsa bringa y lo por wak esaki bibo y directo for di e Facebook nobo di Stichting Brazil Taekwondo.

Nos ta desea nos team tur exito na San Jose, Costa Rica y tur e peleanan ta den BN Arena.



Crash Test Dummies Cycling Club ta invita bo pa experiencia bike fest extremo



ORANJESTAD - Crash Test Dummies Cycling Club ta organisa su prome festival di ciclismo, unda ciclistanan di BMX y MTB lo topa otro. E lo ta un dia extremo yena di aventura den e deporte di BMX y MTB.

E evento lo cuminsa ariba diabierna 30 di Augustus cu un open training na pista di BMX Streetwise pa tur e ciclistanan di BMX y lo continua diadomingo 1 di September cu un careda di MTB sigui pa e competencia di BMX.

Pa cu e deporte di MTB, Crash Test Dummies ta presenta dos ruta hopi intensivo cu paisahenan hopi bunita den Parke Arikok. Ambos ruta lo start y finalisa na e pista di BMX Streetwise. E careda lo cuminsa pa 7or di mainta y lo tin e categorianan elite, master, junior y pre junior tanto den seccion dama como di cabayero. Tambe lo tin e categoria cycling for all pa tur esunnan cu no tin mucho tempo ta core bais pero ta desea di challenge na mes den e deporte di MTB.

BMX lo tuma luga ariba e pista extremo di Streetwise na San Nicolas y lo tin e categorianan manera challenge, no chain y pro am cu lo subi e adrenalina di tur presente.

Inscripcion

Lo tin 2 anochi di inscripcion;
-Diahuebs 29 di Augustus di 7or te cu 10 di anochi lo tin un anochi di inscripcion na Roadside Café pa e careda di MTB.

-Diabierna 30 di Augustus di 5:00 pa 7:00 di anochi lo tin un anochi di inscripcion na e pista di Streetwise pa competencia di BMX.

Pa mas informacion por contact nos via nos website: <https://www.ctdaruba.com> of via nos e-mail: ctd.aruba@gmail.com

Crash Test Dummies ta invita bo pa bin apoya nos ciclista y pasa un dia ameno. Bin cu full famia y presenca un dia yena di ambiente acompaña pa un bar y cushina bon su

Parlamentario Robert Candelaria (AVP):

‘Tanto Minister Bikker a critica PPP awor ta esey mes lo salba KIA’

ORANJESTAD - Minister di Husticia Andin Bikker a muestra na varios ocasion cu su persona ta responsabel pa e cartera di ministerio di husticia pero bou di ningun circunstancia su persona kier carga responsabilidad concreto di e cargo aki.

Parlamentario Robert Candelaria di fraccion di AVP a muestra cu den pasado como parlamentario, ser Bikker constantemente tabata pidi pa retiro di e minister di Husticia di e tempo ey, ya cu e tabata kere cu e minister mester ta responsabel pa cosnan cu pasa den e mundo di criminalidad.

Candelaria ta kere cu awor despues di dos aña responsabel pa e cartera di Husticia, tin un situacion cu Minister Bikker claramente no por atende y soluciona pero ta busca fayonan tur caminda, cerca tur otro hende pero no cerca su propio persona.

“Por ehempel tin e situacion di KIA caminda na tur momento cu Minister Bikker kier papia riba e casonan di presonan cu ta huy, ta papia di un KIA den estado deplorabel y cu ta algo cu el a hered’e.

Awor Minister Bikkier a declara cu e kier un prizon nobo y mi persona ta di opinion cu semper y cuando, ta bon pa yega na un prizon nobo.

Sinembargo mi tin cu muestra cu ta remarcabel ta cu e kier financia e prizon nobo aki den forma di un PPP, cu tanto e partidonan cu a formando gobierno, incluso esun di Bikker, a campaña contra dje.

Minister mester ta honesto y consistente si ya cu of bo ta pro of bo ta contra tur proyecto funcia bou die formula di PPP y bo no por ta pro ora ta cumbini so.

Di mi banda, mi por bisa cu den parlamento semper nos lo yuda na aproba ideanan y proposicion cu ta na bien-

estar di KIA y nos husticia en general.

Loke mi ta pensa ta cu awor, despues di 2 aña di gobernacion, a yega tempo pa Minister Andin Bikker stop di goberna mirando patras y semper keha riba loke el a hereda.

Tur minister lo drenta cu cosnan bon y cosnan menos bon cu ta wordo laga atras y e mester deal cu nan pero p’esey pueblo a pone bo eynan, pa sigui traha cu loke ta bon y mehora loke mester wordo mehora.

No pa keda wak den spiel patras, purba laba man constantemente y culpa predecesor pa tur cos. Ora no culpa predecesor, ta culpa ambtenaar y esaki mester stop caminda e momento a yega pa cuminsa asumi responsabilidad.

Despues di 2 aña na mando, mi no ta kere esaki ta mucho pidi.

Mi ta kere cu tin cosnan cu semper por sigui traha riba nan, pa mehora nan mas ainda y no por sigui wak patras y keha di cosnan cu bo a hereda so. Si kier papia di herencia, papia di e bon tambe y na final, stop di papia di herencia y cuminsa traha riba loke esun cu ta bin despues di bo lo hereda, esta bo legacy.

Traha duro pa esun cu lo tuma e funcion dificil aki di bo un dia, no mester cana manera ta den un veld di mina e ta cana, pero traha pa laga un legacy positivo atras, dos aña a pasa caba.

Manera cos ta pinta, bo falta 2 aña mas pa un hende tuma over di bo y su reto mester ta, pa e laga e ministerio miho atras cu el a hay’e.

Pueblo echt a cansa di tende cu tur loke bay robes, tur loke bo no tin grip riba dje, ta culpa di bo herencia y ora bo hereda algo cu si ta bon, ta lubida di duna credito na esunnan responsabel e tempo aya y ta sali corta sinta y claim cos manera ta bo mes a pens’e y checut’e,” sr. Robert Candelaria, miembro di fraccion di AVP a declara.



**Stichting Casa Cuna Progreso zoekt:
Voor het crisisplan t/m 31 dec 2019
(Pedagogische) groepsleidsters**

‘De jeugd heeft de toekomst, die toekomst moeten we samen maken’

Stichting Casa Cuna Progreso is een 7x24 uur voorziening voor kinderen van 0 tot en met 8 jaar die (tijdelijk) niet meer thuis kunnen wonen, bijvoorbeeld vanwege lichamelijke of emotionele mishandeling of verwaarlozing, seksueel misbruik of huiselijk geweld. Het doel van de stichting is psychische en fysieke zorg bieden aan kinderen van 0 tot en met 8 jaar en begeleiding en ondersteuning geven aan hun ouders/familie.

Stichting Casa Cuna Progreso (SCCP) zoekt twee (pedagogisch) groepsleidsters met de volgende kwaliteiten:

- Je hebt een MBO-4/HBO opleiding op het gebied van pedagogiek en/of welzijn
- Je hebt een rijbewijs B en D
- Je bent flexibel om (nacht)diensten, gedurende het weekend en op feestdagen te werken
- Je kunt je zowel mondeling als schriftelijk goed uitdrukken in het Papiamentu en het Nederlands
- Je wilt je inzetten voor de professionaliseringslag die gemaakt gaat worden binnen Stichting Casa Cuna Progreso
- Je bent pro-actief, zorgzaam, een goede teamplayer, gedreven en resultaatgericht

Functie inhoud:

Als (pedagogisch) groepsleidster werk je op het gebied van de verzorging en de activiteiten met de kinderen en waar mogelijk met hun families. Tevens ben je inzetbaar bij ons nieuw tienermoederproject. Als groepsleidster maak je deel uit van het team, dat wordt aangestuurd door het managementteam, dat bestaat uit de teamleidsters, de pedagogisch coördinator en de directrice.

Wat bieden we?

- Goede salariëring
- Trainingen

Informatie en aanmelding:

Uw schriftelijke aanmelding, CV en een kopie van uw diploma's dient u vóór 16 september 2019 te sturen naar de vice voorzitter van de Stichting Casa Cuna Progreso, dhr. Carlos Albertus, Pos Chiquito # 4, Aruba. P.O. Box # 733, Email adres: bpinterfaceaua@setarnet.aw en naar mw. Renate van Dongen . Email adres: directie@casacuna.aw.

Eventuele nadere inlichtingen kunt u inwinnen bij de directrice mevr. Renate van Dongen, telefoon 585 7177 of per E-mail adres: directie@casacuna.aw.



Parlamentario Daphne Lejuez (MEP):

‘Parlamento a presenta 5 mocion, di cual 4 a keda aproba y 1 desapropa’



ORANJESTAD - Durante reunion publico unda a trata e relato financiero semi-anual, Parlamento a presenta en total 5 mocion, di cual 4 a keda aproba y 1 a keda desapropa pa un mayoria.

Mocion nr 2

Pa loke ta trata mocion nr. 2, cu ta urgi gobierno pa facilita agricultor cu lo por ta interesa den e cultivo di cannabis medicinal, mientras cu e mocion aki no a keda aproba pa mayoria, e ta conta cu mi sosten a base cu e lo ta un proceso regula, a base di rekisitonan y permisionan estricto y stipulacion di gobierno pa di e forma ey por stimula nos sector di agricultura pa por expande y diversifica su plantacion, y pa e por tin acceso na mercadonan internacional di exportacion pa cultivo medicinal. Di e forma aki nos agricultor local tambe por saca bentaha economico na e momento cu esaki bira un posibilidad.

Mocion nr 4

Pa loke ta trata mocion nr. 4, unda cu ta urgi gobierno pa di inmediato reinstitui e fondo di carretera (WIF) pa di e forma aki sigura fondonan structural pa construccion y mantencion di nos carteranan. E mocion

aki a wordo pasa cu un mayoria, pero mientras mi ta sostene e necesidad pa inverti den nos infraestructura di carretera, mi ta considera tambe e necesidad pa inverti den otro areanan di maneho cu merece atencion. Considerando cu den e proximo añanan lo mester reduci gasto y corta den diferente ministerio, mi no ta sinti cu e ta responsabel pa aloca un suma fiho na un area so di maneho, siendo cu garantizando e fondo aki cu por ehempel 9 miyon anual, lo por causa un desbalansa, unda otro areanan di maneho cu lo por tin prioridad y tin necesidad di fondo, lo no por yega na esaki paso e fondonan aki lo ta comprometi caba.

Pa e motibo aki mi no por a duna mi sosten na un mocion pa garantiza y mara un suma fiho y structural di fondonan di pueblo pa un solo area di maneho, siendo cu tur otro areanan tambe mester atencion y lo mester wak reduccion den nan presupuesto pa por cumpli cu normanan financiero.

Adicionalmente pais ta pagando ya caba varios proyecto infraestructural di PPP na un forma structural pa e proximo 20-25 aña casi 40 miyon florin anualmente pa Green Corridor y Watty Vos Boulevard.

Parlamentario Robert Candelaria (AVP):

‘Minister Andin Bikker tin cu stop di papia di herencia y cuminsa traha riba locual esun despues di bo ta bay hereda’

ORANJESTAD - Minister di Husticia, Andin Bikker, semper ta cuminsa y caba tur su frasenan cu “su herencia” y constantemente e ta comenta con el a hereda hopi cos di su predecesor, miembro di fraccion di AVP, Robert Candelaria ta musta.

E parlamentario a sigui musta cu lo ta un bon momento tambe pa papia riba su herencia y kico e mandatario a haci cu su herencia.

“Aña pasa juni e departamento “Inspectie Justitie en Veiligheid” di e ministerio di husticia y siguridad di Hulanda, a manda un carta pa minister Bikker, relaciona cu trabounan di inspeccion cu nan a haci na KIA. Casi un aña di gobernacion a pasa cu el a ricibi e carta aki y nos a laga un aña mas pasa despues cu a carta a sali pa wak con e minister ta deal cu e herencia aki y entre otro a informa Minister Bikker:

Despues cu e team a bishita Aruba na april 2017 nan a bisa

cu nan a mira cambianan visibel den mehoracion di calidad di e acomodacion y ampliacion di e actividadnan pa preso den KIA. Esaki tambe ta algo cu a wordo hereda dor di e minister. Kico el a haci cu e herencia aki?

Otro conclusion di e rapport ta musta:

Aki ta ser bisa cu e sosten di e gobierno anterior, en particular di e ministerio di husticia anterior na e director di e tempo ey, tabata aspectonan importante, cu a yuda na mehoracion den KIA e tempo ey. Tambe a sigui musta cu e minister anterior, esta Arthur Dowers, tabata hopi involvi na programa di mehoracion den KIA. E rapport a termina mustando cu a bin eleccion y un cambio di minister y e resto di e storia ta conoci pa tur hende. Esaki ta papiando di herencia. Awor kico abo como Minister di Husticia pa dos aña caba, a haci cu e herencia aki?

Cambianan positivo y renovacion cu por a nota prome, no a continua di e mes forma.

Dicon no a sigui traha riba e herencia aki? Entre otro e rapport a señala:

Na 2017 tabatin actividadnan den preparacion cu no a continua. E actividadnan aki cu mester a tuma luga cu boluntarianan no a continua y esakinan tabatin netamente como proposito pa yuda pres-

onan rehabilita. Esaki ta algo simpel cu nos a papia di dje den campaña. Mester traha cu iglesianan y fundacionnan den nos comunidad pa yuda esunnan cu a cay den criminalidad y den man di husticia pa nan no cay mes, pero reintegra den nos comunidad. Atrobe nos ta mira un herencia cu Minister Bikker no a

sigui cune.

E carta dirigi na Minister di Husticia actual, ta djis un ehempel di un herencia di e minister Bikker, cu tabata riba un bon caminda pero awe ta un punto di preocupacion hopi grandi den nos comunidad,” Parlamentario Robert Candelaria a musta.



Di tres edicion di Island Fest bishita masalmente

SAN NICOLAS – E di 3 edicion di loke ta e evento di Island Fest a wordo bishita un biaha mas masalmente diaranson ultimo. Tanto turista como local por a gosa di un anochi yena di un ambiente caluroso, demostrando e exito grandi di e evento aki.

E evento di Island Fest ta un concepto nobo y completamente diferente. Su meta principal ta pa trece un trafico di turista pa pariba di brug cu normalmente lo keda solamente na e parti pabou di brug. Durante cada evento di Island Fest, e turistanan por experencia pa nan mes e historia, cultura, cuminda y artesanía di Aruba, contribuyendo di e forma aki na experencia di calidad halto na nos bishitantenan.

Minister Dangui Oduber tambe tabata presente y a musta su satisfaccion pa loke ta e crecimiento di e festival. E mandatario a splica cu e evento aki ta demostra cu San Nicolas tin hopi pa ofrece y cu un evento asina ta aporta grandemente na e economia di San Nicolas.

Pueblo en general ta keda cordialmente invita pa forma parti di e proximo edicion di Island Fest, unda nos tur hunto por demostra e ambiente caluroso unico cu Aruba tin pa ofrece na su bishitantenan.



Stichting Casa Cuna Progreso zoekt voor haar Tienermoederhuis:
PEDAGOGISCHE GROEPSLEIDSTERS (oproepkracht)
'Hechting is van levensbelang, laten wij het samen mogelijk maken'

Tienermoederhuis Unit te Casa Cuna

Stichting Casa Cuna Progreso (SCCP) is van mening dat een veilige hechting tussen ouder (of verzorger) en kind essentieel is voor de ontwikkeling van kinderen, ter voorkoming en/of vermindering van fysieke, sociaal-emotionele en cognitieve ontwikkelingsproblemen. Daarom breidt de stichting haar dienstverlening uit en opent binnenkort een unit die 24 uur per dag opvang, zorg en begeleiding biedt aan (zwangere) tienermoeders in de leeftijd van 13 t/m 23 jaar. Doel van dit tienermoederhuis is de jonge moeder zodanig te begeleiden dat zij uiteindelijk zelfstandig voor haar baby kan zorgen in een eigen woonomgeving.

Functie inhoud:

Wij zijn op zoek naar een enthousiaste oproepkracht die bij kan springen waar nodig.

Dit om in te vallen bij AO, vakanties en andere speciale gelegenheden.

Als oproepkracht continueer je de zorg en hulpverleningsprocessen en begeleiding tijdens afwezigheid van het vaste personeel. e.d.

Als oproepkracht werk je met de tienermoeders, hun kinderen en met hun families.

Je geeft begeleiding, zorg, ondersteuning en draagt er zorg voor, samen met de unit coördinator en het team van gedragsdeskundigen, dat de begeleiding en behandeling van de cliënten voortgezet wordt. Je werkt actief samen met ketenpartners. Ook heb je een belangrijke rol in de continuïteit, en terug rapporteren naar het vaste personeel.

Hier onder valt bijvoorbeeld ook het bewaken van begeleidingsplannen van de tienermoeders en hun kind(eren). De oproepkracht ondersteunt en begeleidt het proces van de cliënt, zodat bij aanwezigheid van het vast personeel alle werkzaamheden voortgezet kunnen worden.

Profielschets

- Je hebt een MBO-4 / HBO opleiding op het gebied van pedagogiek/welzijn/ verpleegkundige opleiding met ruime ervaring (HBO minimaal 2 jaar), (MBO minimaal 5 jaar) in de hulpverlening en met jongeren.
- Kunt je zowel mondeling als schriftelijk goed uitdrukken in het Papiamentu en het Nederlands
- Je hebt oog voor zorg op maat en je kunt goed samenwerken binnen een team
- Je herkent jezelf in de volgende beschrijving: begaan met en betrokken bij de cliënten, visie, openheid, ontwikkelingsgericht, flexibel, lef, inhoudelijk gedrevenheid, positief ingesteld, proactief, innovatief, zelfstandig, gedreven, resultaatgericht, zorgvuldig, kritisch en in staat te reflecteren op eigen handelen en het handelen van collega's..
- Je hebt een rijbewijs B en D of bereid om rijbewijs D te halen is een pre
- Je bent flexibel om continuïditeiten te werken met hierbij ook (nacht)diensten, gedurende het weekend en op feestdagen
- Je bent ook inzetbaar binnen casa cuna als oproepkracht groepsleidster op de verschillende groepen
- Je wilt je inzetten voor de professionaliseringslag die gemaakt wordt binnen Stichting Casa Cuna Progreso
- In staat zijn om zelfstandig te staan op de groep/zelfstandig draaien van de groep

Bekend zijn met de sociale kaart van Aruba is een pré. Zo ook kennis van en affiniteit met de doelgroep.


Wat bieden we?

- Goede salariëring
- Goede Arbeidsvoorwaarden en pensioenregeling
- Trainingen en cursussen

Informatie en aanmelding:

Uw schriftelijke aanmelding, CV en een kopie van uw diploma's dient u vóór **16 september 2019** te sturen naar de vice voorzitter van de Stichting Casa Cuna Progreso, dhr. Carlos Albertus, Pos Chiquito # 4, Aruba. P.O. Box # 733, Email adres: bpinterfaceaua@setarnet.aw, met een kopie aan de directeur mevrouw Renate van Dongen, E-mail adres: directie@casacuna.aw. Eventuele nadere inlichtingen kunt u tevens inwinnen bij de directeur (telefoon 585 7177 / 5853010). Wij hanteren een actief referentiebeleid. Geef daarom, op je CV, minimaal twee referenties op die we kunnen benaderen.

Concurso di pintamento pa muchanan di scol basico: “Stima bo cacho”



ORANJESTAD - E comision di e plan nacional recién instala cu e meta pa atende cu e problema di cacho na Aruba, ta actualmente den fase inicial di preparacion, y ta lansa, danki na idea di Sr. Rodney Solognier (KPA), un concurso

di pintamento “Back-to-School” cu tema “Stima bo cacho”.

Muchanan por participa gratis den e concurso y asina haya sa mas di Aruba su ‘Ley di Cacho’. Educando nos muchanan ta crea un base solido

di doñonan cu ta cuida nan mascotan di forma responsabel. Alabes ta stimula adultonan pa forma parti di e educacion di e forma aki ora nan yuda splica e mucha algun punto basico di e ‘Ley di Cacho’.

E concurso aki ta un accion special pa muchanan entre 6 y 12 aña (scol basico), pero si un mucha di 6e klas tin mas di 12 aña tambe e por participa.

E pintura mester ta uno original y creativo, y mester tin contenido cu ta ilustra un of algun di e puntonan di e ‘Ley di Cacho’. Esunnan cu participa por “download” e formulario na specialprojectsaruba.org y mester scoge den tres tema pa ilustra: (1) cacho den cura, (2) cana cu cacho na un “leash”, (3) cacho na su veterinario.

Fecha

E concurso a cuminsa oficialmente dialuna 26 di augustus 2019 - Dia Internacional di Cacho - y e ultimo dia pa entrega e pintura ta diaranson 25 di september 2019 na e MFA mas cerca, of via email: specialprojectsaruba@gmail.com. E premionan lo wordo entrega riba dia di bestia, diabierna 4 di october.

Cacho den cura, ley e ta!

E ley di cacho ta encera:

★ Cacho den cura:

★ Sea e cura ta cera

★ Sea e cacho ta mara na un “looplijn” of e ta den un “ren”

★ Ora di sali cu bo cacho e mester ta na un leash

★ Cuida bo cacho: dun’e awa, cuminda, dak pa por sconde pa solo of awa, y bay dokter di bestia cune

Ta aña di famia y bo mascota tambe ta forma parti di famia. Dun’e su respet, cuida, y e atencion cu e merece.

Hurricane Night MTB-ride: con miho bo por wanta biento?

ORANJESTAD - Comision di mountain-bike di Aruba Wieler Bond ta organisa e Hurricane Night Ride.

E ride ta pa coredonan di mountainbike y lo tuma luga riba diasabra awor 31 augustus for di 7or di anochi. Punto di salida: California Lighthouse.

Bo kier midi bo forza contra e biento fuerte? Core cu nos for di Lighthouse bayendo pa

riba. Tin tres distancia: pa beginners 8km (te na e rancho blauw) of e ruta pa Kapel Alto Vista di 14km y pa coredonan avansa lo tin e ruta pa Natural Bridge di 30km.

Helm y luz ta obligatorio, y coredonan mester tin 9 aña bay ariba. Bo por inscribi y paga na e tiendanan Tri-Bike, TechShack y FX. Of online: <https://forms.gle/XwJZUPaFaqgeN-bWQA>

Orario pa atende publico diabierna 30 di augustus 2019

ORANJESTAD - Departamento di Labor y Investigacion ta participa na tur cliente cu e orario pa atende publico riba diabierna 30 di augustus 2019 lo ta te cu 2’or di atardi en conexion cu un reunion di personal.

Departamento di Conflicto lo atende publico te cu 1’45 di atardi.

Nos ta pidi disculpa si esaki por trece cualkier inconveniencia.

Reto pa baha peso

ORANJESTAD – Pa e luna di september lo cuminsa cu un reto nobo di baha peso. Niurca de Cuba di Beyond Fitness ta presenta un otro reto, cual ta cuminsa diabierna dia 30 di augustus.

Un ‘quote’ di William Shakespeare ta: ‘Bo curpa ta un

hardin y bo motivacion ta e hardinero’. Stima bo mes y cuida bo curpa, pasobra niun otro lo por hacie pa bo.

Niurca de Cuba anteriormente a organisa varios retonan y tur tabata exitoso, cu resultadonan excepcional. Pa hasi’ele interesante, conhuntamente cu sponsornan e

biaha aki lo bay tin diferente premio, mas un premio grandi na final, cu ta Afl.1000,- pa e ganado absoluto.

E idea di e reto aki, segun Niurca mes a bisa, ta no solamente baha peso, pero tambe pa siña combina cuminda di tal manera cu bo ta integra esaki den bo bida pa sigui baha

y/of mantene bo peso ideal. Y claro bo ta siña conoce bo curpa miho. E reto ta inclui miembresia pa 6 siman di Beyond Fitness, Zumba y Pilates, test y consulta di salud, guia nutricional, un ‘meal plan’, pisamento y midimento pa cada siman, tayer di cuminda y di salud.

Pa mas informacion tocante e reto aki tuma contact cu Niurca na 742-1781 of manda un e-mail na niurcadecuba@gmail.com. Tambe por pasa personalmente na EPB Hato gymzaal di dialuna pa diahuebs atardi entre 6or y 8or, of diasabra mainta prome cu 10or.

Minister plenipotenciario na Washington a bishita Minister di Enseñansa

ORANJESTAD – Minister Plenipotenciario mr. Joselin Croes ta dedica y comprometi pa crea mas oportunidad pa nos studiantenan por studia na Merca y Canada. Deseo di Croes ta pa banda di University of South Carolina, Coastal University y Wayne State College, logra haya mas Universidad cu ta dispuesto pa ofrece nos studiantenan instate-tuition fee.

Segun un comunicado di gobierno, berdad Aruba a wordo poni riba e lista di Latin American Scholarship Eligibility pa tur Florida State Universities, pero e instate tuition no ta bin sin mas. E hoben mester aplica p'e y e mester cumpli cu varios exigencia pa por bin na remarca. Croes lo bolbe bishita algun universidad na Florida pa wak si nos por haya por lo menos algun cupo na dos of tres universidad cu ta mara na e instate tuition fee. Tambe Croes ta purbando di haya un par di Universidad na Boston, Atlanta y na Washington mes. Otro aña e lo ta bishitando e universidadnan na Canada cu Aruba tin MoU cu nan, pa asina renoba e varios contract aki.

Pero banda di crea oportunidad pa studiantenan, Croes ta fungiendo como e persona di contacto entre varios institucion na Aruba y esunnan na Merca. Su tarea ta pa haci e prome bishita, crea oportunidad y di eynan pone e institucionnan concerni den



contacto cu otro pa asina nan mes sigui negocia e posibel colaboracion.

Universidad di Aruba (UA):

Por ehempel un team di Universidad di Aruba (UA) pronto lo ta biahando pa Boston pa cera un MoU cu Northeastern University pa UA forma parti di e Global Resilience Institute cu sigur ta pas den e maneho di UA specialmente awor cu nan ta bay introduci SISSTEM. Tambe nan lo bishita University of Massachusetts (UMASS) y Northeastern University pa yega na un acuerdo pa capacity building y exchange program pa nan staf y docentenan pero tambe exchange program pa nan studiantenan.

Instituto Pedagogico Arubano (IPA):

Cu Instituto Pedagogico Arubano (IPA) a combersa riba e idea di Minister di Enseñansa pa un 'fusing' entre IPA y UA y pa converti IPA den un Academic Learning Center, cual lo significa cu den futuro IPA lo ta e institucion cu lo mester percura pa tur tipo di oportunidad educacional pa hoben y adulto. Alabes e mester bira un institucion cu lo mester haci investigacion den ramo di educacion. Un reunion hopi ameno na unda nan a pidi Minister pa yuda ISA cu capacity building di nan team, inclusion di STEM den nan curriculum, un curriculum pa yuda nan mancha cu e problemanan social na Aruba, introduccion di 'blended learning' cu ta algo hopi comun na mayoria scol na Merca y pa crea oportunidad pa nan studiantenan por loop stage na Washington, Atlanta of Baltimore. Tambe a discuti e partnership cu Wayne State College pa un Master Program nobo cu pronto nan lo introduci.

International School of Aruba (ISA):

Cu International School of Aruba (ISA) a discuti un proposicion cu Croes a presenta na Minister di Enseñansa, pa cera un tipo di colaboracion cu ISA pa prepara nos studiantenan cu kier bay studia na Merca pa yuda nan pasa nan SAT, pero tambe pa presenta un proposicion pa tin algun di e top studiantenan di HAVO y VWO di menos recurso cu ta desea di bay studia na Merca, pa por haya e oportunidad pa haci nan ultimo 2 of 3 añanan di studio na ISA pa asina nan por logra un GPA halto pa por bin na remarca pa un scholarship (beca). Esaki por yuda tambe e atletanan cu ta bay Merca cu un beca. ISA lo traha un proposicion pa Minister di Enseñansa pa cu e idea aki.

Croes ta hopi satisfecho pa mira educacion na Aruba bay den un direccion di progreso brindando nos hobennan mas oportunidad aki na Aruba como tambe na Merca, segun e comunicado ta finalisa.



Cas Princesa Aruba ta habri inscripcion



ORANJESTAD - Inscripcion pa Little Princess, Little Miss Aruba PreTeen Aruba a habri. Tur mayor cu ta interesa pa nan prinses competi pa un di e titulongan aki, por tuma contacto cu Jessica Anthony na 7399449 pa inscribi.

E edadnan ta di 4 pa 6 aña, 7 pa 10 y di 11 pa 14 aña.

E aña aki lo tin varios tayer manera di huña, disciplina, djente y tambe lo tin bustrip, fashion show y breakfast pa e reina nan. E final ta dia 2 di november 2019 den Cas di Cultura. Cas Princesa ta cumpli e aña aki 10 aña y ta priminti un espectáculo grandi y bunita.



For God so loved the world, that he gave his only begotten Son, that whosoever believeth on him should not perish, but have eternal life. John 3:16

With great sadness, we announce the passing of our beloved husband, brother, uncle, nephew and friend:



Herbert Lynn
Better known as: 'Herbie'
*02-11-1958 †28-08-2019

The funeral will take place on Tuesday September 3rd, 2019 at 4:00 pm at Evangelical Church in San Nicolas (Jasmijnstraat 7) and from there to the Catholic Burial Ground in San Nicolas. The body of Herbie will be laid out from 2:00 pm at Church.

Opportunity for condolences will be on Monday September 2nd, 2019 from 7.00 p.m. to 9.00 p.m. at Ad Patres Funeral Home.

Staff and Management of Ad Patres funeral home extend their most sincere condolences to the family.



"Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi"
Salmo 33

Cu honda pena pero conforme cu boluntad di Dios nos
ta anuncia fayecimiento di



Andre Carrilho
miho conoci como Dé.
*26-01-1946 - †19-08-2019

Na nomber di su mayornan

+ Johanna Carrilho Gonzalez
+ Egbert Carrilho

Rumannan

Myrna & Lucio Abath Carrilho
Leo & Marcia Carrilho Zievinger
Catharina Carrilho
Eddy Carrilho
Irma Carrilho & Erwin Wolff
Ronald Carrilho & Liesbeth de Kort
Mabel Casuela
Nelson Cecilia

Sobrino y sobrinanan

Indira Abath & familia
Omira Abath
Lucien Carrilho & familia
Eugene & familia
Quillon Carrilho & familia
Frenk Carrilho & familia
Micella Carrilho & familia
Caressa Wolff
Nathan Wolff
Braxton Carrilho
Sonrick Casuela, Rixon Casuela
Eric Danzo, Erixon Danzo
Mabelin Michel
Eveline, Kenneth & Kevin Cecilia

Omo

Simon Gonzalez & Familia

Primo y Primanan, Amigo y Bisiña, Familia Na Hulanda y Surnam Y demas familia Carrilho, Gonzalez, de Cuba, Abath, Zievinger, Wolff, Eckmeyer, de Kort, Bouva, Esser, Felter, Park, Pinas, Dest, Dirks, Themen, Faro


Ta invita pa acto di despedida cual lo tuma lugar na Aurora Funeral Home diasabra 31 di augustus 2019 di 2'or pa 4'or di atardi. Cremacion lo tuma lugar den seno familiar.

Nos ta lamenta cu despues di despedida di nos defunto stima, nos no lo por ricibi bishita di condolencia na cas.



"Bou di alanan di Dios mi ta sigur"
Abo ku ta biba bou di amparo di Altisimo,
ta hospedá den sombra di Dios
Omnipotente, bisa Señor:
"Mi refugio, mi forti, mi Dios, den kende
mi ta
pone mi konfiansa"
Salmo 91:1-2

Cu dolor na nos curason pero conforme cu
boluntad di Señor, nos ta anuncia
fayecimento di nos casa, tata, wela,
bisawelo:



Freddy Constant Desbarida
Mihor conoci como 'Nelson Net'
*12-04-1941 - †26-08-2019

Na nomber di su:

Casa: Esperanza Desberida

Yiunan: Jackeline y famia
Joselin y famia
Richard y famia

Nietonan: Carlos, Johanna, Richardson,
Jayden, Zayron, rachel

Ruman: Ligia y famia na Hulanda

Sobrino y sobrinanan na Curaçao:

Roberta y famia
Poppy y famia
Beni y tur famia

Cuñanan: Emiliana y famia
Socorro y famia
Jesus y famia
Nuris y famia
Ricardo y famia
Berkis y famia

Amigo y amiganan mas sercano:

Belto y Maria y famia
Mercedes y famia Andrade
Mario y famia
Francis y famia
Eddy y famia

Entiero lo tuma lugar diasbra 31 di augustus 2019 na Aurora funeral Home di 9or pa 11or di mainta. Despues lo sali pa Santana Central Sabana Basora.

Condolencia lo tuma lugar na Aurora Funeral Home diabierna 30 di augustus 2019 di 7or pa 9or di anochi.

Disculpa nos si den nos tristesa nos por a lubida algun famia of conocir.



Paardenbaastraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 29 Aug 2019 Anochi

CATACHI
Sorteo # 6870
4867
8573
1847
BIG 4
Sorteo # 5914
2097
1OFF
Sorteo # 619
5385
ZODIAC
Sorteo # 4673
9796
Aries
KORSOU
Sorteo # 2510
6580
0224
9871

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	310.000,-

LOTTO DI DIA	03-06-15-24-29
Sorteo # 4868	Proximo Jackpot
0 x Jackpot	
9 x Match 4	97.000,-
190 x Afl. 8,00	

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50.00	
0 x Afl.15,00	260.000,-

MINI MEGA PLUS	Afl. 360.000,-
-----------------------	-----------------------



DIARIO 2197-5515-2373

SUPER 4 0049

Paardenbaastraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 29 Aug 2019 Merdia

CATACHI
Sorteo # 2665
0778
0225
7145
BIG 4
Sorteo # 2665
4968
1OFF
Sorteo # 721
5873
ZODIAC
Sorteo # 2665
7153
Gemini

LOTTO 5	
Sorteo #	Joker Letter
0 x Jackpot	
0 x Match 4+	
0 x Match 4	
0 x Afl. 12,00	300.000,-

LOTTO DI DIA	
Sorteo #	Proximo Jackpot
0 x Jackpot	
0 x Match 4	
0 x Afl. 8,00	87.000,-

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50.00	
0 x Afl.15,00	260.000,-

MINI MEGA PLUS	Afl. 360.000,-
-----------------------	-----------------------



Aries

Awe bo por tuma nota cu bo mester haci un compra sigur. Porta bo cas of auto mes- ter algun reparacion importante, of porta un team nobo pa bo trabou. Bo number- nan di awe 2, 30, 33 y 44.



Tauro

E peso ta demasiado responsabilidad, cu porta tin di haber cu famia, un trabou of e pertenencia na un grupo cu por ocupa bo mente awe. Bo numbernan di awe 24, 29, 32 y 41.



Geminis

Bo por haya por lo menos un yamada di e tipo "bon noticia, mal noticia" y esaki por ta e estado di bo animo existente cu ta bay bin. Bo numbernan di awe 23, 28, 31 y 40.



Cancer

Normalmente bo sa ta un persona hopi spiritual, pero sinembargo ta posibel cu awe bo topa cu concepto metafisico di tur clase bastante desorienta. Bo numbernan di awe 9, 20, 30 y 37.



Leo

Awe bo por siña algo acerca di un amigo cu por ta bastante desorienta. Bo number- nan di awe 7, 19, 41 y 42.



Virgo

E responsabilidad externo por interveni cu bo bida amoroso temporalmente. Bo numbernan di awe 30, 38, 40 y 51.



Libra

Awe ta muy probabel cu bo ta haya bo ru- tina hopi laf y bo por sinti un repentino y poderoso impulso pa haci loke bo kier y no cumpli cu bo responsabilidad. Bo numbernan di awe ta 3, 37, 39 y 50.



Scorpio

Awe bo por sinti specialmente sensual y apasiona, y bo kier reuni cu un interes amoroso. Bo numbernan di awe 9, 36, 38 y 49.



Sagitario

Ta posibel cu bo ta sinti un poco di decep- cion awe. Bo numbernan di awe 8, 35, 37 y 48.



Capricornio

Awe bo por ricibi un yamada telefonico bastante preocupante. Por trece e noticia di un contratiempo den un di bo proyec- tonan, cu solamente ta temporal pero frustrante. Bo numbernan di awe 27, 34, 36 y 37.



Aquario

Despues di ola di energia di e ultimo di- anan, awe bo por sinti un gran decepcion. No tur dia ta yen di aventura y emocion. Bo numbernan di awe 6, 33, 35 y 46.



Pisces

Un di e metanan cu bo a trata di cumpli por stop temporalmente y bo por tin e tentacion di cay den desesperacion, pun- trando bo mes si algun biaha lo bira reali- dad. Bo numbernan di awe 5, 32, 34 y 45.



Cas Di Cultura

Vondellaan 2 Aruba
297-582-1010

FADA

Campanastraat 5 Aruba
297-583-2999
297-583-9610

FAVI

Primavera 233 Aruba
297-582-5051
297-582-5222

FEPO

Engelandstraat 15 Aruba
297-583-1016
297-583-6607

Fundacion Hende

Muhe den dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Ned Rode Kruis

Perdo Gallegostraat 14 Aruba
297-588-3376

Famia Planea (SBVO)

Avenida Milio J Croes 17 B Aruba
297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

A1 Taxi Services Aruba

Italiestraat 50 lokaal 7
Tel: 587-8850
Tel: 280-2828

Whatsapp: 592-7024
E-mail: a1taxiservices.aruba@hotmail.com

Mobility Equipment Hire

Tel: 568 5165

Dokter na warda



Oranjestad

Hospital
7:00 pm / 10:00 pm

San Nicolas

Dr. Ramautar
Imsan

Botica na warda

Oranjestad:

Kibrahacha
Tel. 583 4908

San Nicolas:

Centro Medico
Tel. 584 5794

SERVICIO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



Schedule September 2019

			ARR	DEPT	BERTH
MON	02	FREEWINDS - DEPT.	****	23.15	E
WED	04	MONARCH	06.30	15.30	C
TUE	10	FREEDOM OF THE SEAS	07.30	21.00	C
WED	11	MONARCH	06.30	15.30	C
THU	12	CARNIVAL HORIZON	07.00	16.00	C
TUE	17	CELEBRITY EQUINOX	11.00	23.59	C
WED	18	MONARCH	06.30	15.30	B
		CARNIVAL MAGIC	08.00	23.30	C
TUE	24	FREEDOM OF THE SEAS	07.30	21.00	C
WED	25	MONARCH	06.30	15.30	C

EMERGENCIA

911

POLIS	
Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

Centrale Bank van Aruba Daily Exchange Rates - 08/29/2019



CENTRALE BANK VAN ARUBA

Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.32	1.34	1.36
CHF	180.96	181.68	182.48
GBP	2.10	2.15	2.21
JPY	166.06	167.58	169.26
EUR	195.39	197.17	199.15
DKK	25.45	26.17	26.97
NOK	18.61	19.33	20.13
SEK	17.25	17.97	18.77

For amounts up to Afl. 100,000

Aruba Malmok Runners anuncia:

'Never say you can't walk or run' 8th edition

ORANJESTAD - Diadomingo awor dia 1 di september proximo, 'Aruba Malmok Runners' lo tene e di ocho edicion di nan caminata 'Never say you can't walk or run'. Pa exactamente 6'or di mainta un grupo grandi di canado y coredo lo sali for di Fisherman's Huts subi Malmok Weg bay rumbo Arashi y Lighthouse.

Manera tur aña e careda aki

ta priminti di bira un cu yen ambiente. E aña aki tambe a añadi un careda di 10km unda cu lo bay te Lighthouse bolbe pa Fisherman's Hut. Anto e careda tambe ta forma parti di e ranking pa Patrshi Sports. Pues lo ta interesante pa sa ken lo move up y move down despues di e careda aki.

Tin careda pa mucha como tambe pa hende grandi. Pa mucha tin careda di 400m como tambe di 1km. Anto

pa e grandinan tin di 6km of 10km. Careda lo sali exactamente 6:00 di mainta. Ta premira cu e careda lo sell out hopi lihe pues registra mas lihe cu bo pro pa bo no keda afo.

Hopi ta conoce Beto y Jovita Maduro cu ta motornan grandi tras di Aruba Malmok Runners.

Aruba Malmok Runners ta un club deportivo cu ta dedica hopi tempo na nos muchanan y tambe ne hende grandi cu ta desea di practica e deporte di coremento.

E meta di Aruba Malmok Runners ta pa genera fondo pa e club pa asina por ofrece mas na nan atletanan durante aña.

Pa es motibo Aruba Malmok Runners ta invita tur coredo of canado registra awe mes pa asina forma parti di e 'Never Say You Can't Walk or Run' cual ta priminti di ta bira uno grandi y yen di ambiente atrobe. Alabes kier a gradici

Subway Aruba y Nature Discount pa forma parti di e gran careda aki.

Registra awe mes via www.malmokrun.com y pasa paga y busca bi BIB na cualkier Nature Discount na Aruba.

Costo lo ta AWG. 15 pa e prome 200 mucha y AWG.20 pa hende grandi.

Bishita e Facebook page di Aruba Malmok Runners pa mas informacion y tambe pa e link pa registra: <https://fb.me/arubamalmokrunners>



Inscripcion pa landsexamen 2020 MAVO/HAVO/VWO

ORANJESTAD - Inscripcion pa landsexamen 2020 ta tuma luga den e periodo di 2 di september pa 30 di september 2019. Entrante 2 di september 2019 e formulario pa inscribi ta obtenibel via e website di Departamento di Enseñansa Aruba www.ea.aw (bou di letter L di landsexamen).

Prome cu baha e formulario

pa inscribi, por fabor lesa e "Informatiebrochure Landsexamen 2020". Entrega e formulario hunto cu copia di tur documento necesario (p.e. certificado, diploma y e listanan di cifra obteni cu firma oficial) y copia di un extracto di registro di Censo di Aruba na balie di Examenbureau, Belgiëstraat 2. Tambe mester entrega un copia di e prome pagina di e formulario di inscripcion yena como

prueba cu a entrega e formulario di inscripcion. Candidatonan cu ta cumpli cu tur regla di inscripcion y a pasa e "screening" ta wordo notifica pa pasa entrega un copia di e recibo di pago di por lo menos 1 materia (vak).

Si no entrega tur documento necesario of si e inscripcion drenta despues di dia 30 di september 2019, no ta procesa e inscripcion.

Pronostico di Tempo

Tempo:

Parcialmente nubia cu un posibel awasero breve

Temperatura maximo 34 grado Celsius temperatura minimo 28 grado Celsius

Bahada di solo : 6:52pm
subida di solo : 6:29am.

Biento:

Moderado for di direccionnan entre oost y zuidoost; forsa 3 te 4 (12 te 30 km/ora, 7 te 16 nudo) den dia basta fuerte den rafaga; forsa 5 (31 te 39 km/hr, 17 te 21 nudo).

Situacion general di tempo:

Den proximo 24 ora no ta spera cambianan significantes den e tipo di clima cu tin actualmente. Humedad disponibel den nivelnan mas abou di atmosfera por pone temporalmente mas nubia desaroya for di cual por cay localmente un awasero breve.

Condicion di lama:

Un aviso pa boto chikito ta na vigor te diadomingo mainta 6'or pa e parti noor-



doost te noordwest di nos costanan y lama habri. Olanan di lama lo ta for di direccion oost cu haltura di 4 te localmente 6 pia den resake modera for di noordoost; ta pidi usuarionan di lama pa bay cu cautela cerca di area di costa y riba lama habri.

50 Caribbean Cinemas
Años. Years. Années.
MORE VARIETY IN PROGRAMMING AND SHOWTIMES NOW WITH 14 SCREENS!

AUGUST 29 - SEPTEMBER 4

SCARY STORIES TO TELL IN THE DARK
ZOE MARGARET COLLETTI | MICHAEL GARZA
PH MON-THU 6:00 | 8:30
FRI 6:00 | 8:30 | 11:00
SAT 3:30 | 6:00 | 8:30 | 11:00
SUN 3:30 | 6:00 | 8:30
PBP MON-FRI 4:45 | 7:10 | 9:35
SAT-SUN 2:20 | 4:45 | 7:10 | 9:35

BLINDED BY THE LIGHT
VIVEK KALRA | KULVINDER GHIR
PH MON-THU 4:25 | 6:45 | 9:15
FRI 4:25 | 6:45 | 9:15 | 11:45
SAT 1:45 | 4:25 | 6:45 | 9:15 | 11:45
SUN 1:45 | 4:25 | 6:45 | 9:15

ANGEL HAS FALLEN
GERARD BUTLER | MORGAN FREEMAN
PH MON-FRI 5:30 | 8:15
SAT-SUN 2:45 | 5:30 | 8:15
PBP CXC MON-THU 5:50 | 8:30
FRI 5:50 | 8:30 | 11:10
SAT 3:10 | 5:50 | 8:30 | 11:10
SUN 3:10 | 5:50 | 8:30
PBP MON-FRI 3:55 | 6:35 | 9:15
SAT-SUN 1:15 | 3:55 | 6:35 | 9:15

READY OR NOT
SAMARA WEAVING | ADAM BRODY
PH MON-THU & SUN 8:30
FRI-SAT 8:30 | 10:45
PBP MON-THU & SUN 9:30
FRI-SAT 9:30 | 11:40

DORA AND THE LOST CITY OF GOLD
ISABELA MONER | EVA LONGORIA
PH MON-FRI 6:10
SAT-SUN 3:50 | 6:10
PBP MON-THU 4:10 | 6:30 | 8:50
FRI 4:10 | 6:30 | 8:50 | 11:10
SAT 1:50 | 4:10 | 6:30 | 8:50 | 11:10
SUN 1:50 | 4:10 | 6:30 | 8:50

GOOD BOYS
JACOB TREMBLAY | KEITH L. WILLIAMS
PH MON-FRI 9:25
SAT-SUN 4:50 | 9:25
PBP MON-THU 7:50
FRI 7:50 | 10:10
SAT 3:25 | 7:50 | 10:10
SUN 3:25 | 7:50

HOBBS & SHAW
DWAYNE JOHNSON | JASON STATHAM
PH MON-FRI 5:50 | 8:50
SAT-SUN 2:50 | 5:50 | 8:50
PBP MON-FRI 3:50 | 6:25 | 9:20
SAT-SUN 3:30 | 6:25 | 9:20

THE ANGRY BIRDS MOVIE 2
JASON SUDEIKIS | JOSH GAD
PH MON-FRI 7:00
SAT-SUN 2:35 | 7:00
PBP MON-FRI 4:50 | 7:10
SAT-SUN 2:30 | 4:50 | 7:10

THE LION KING
DONALD GLOVER | BEYONCÉ KNOWLES-CARTER
PH MON-FRI 3:50 | 6:25 | 9:00
SAT-SUN 1:15 | 3:50 | 6:25 | 9:00

OPENING SEPTEMBER 5: IT CHAPTER TWO, 47 METERS DOWN: UNCAGED

THE MAGIC OF THE MOVIES ON YOUR MOBILE DEVICE
Download on the App Store GET IT ON Google Play

Estudio enorme ta vincula genetica cu homosexualidad



CHICAGO (AP) — E estudio di mas grandi di su tipo a haya evidencia nobo cu genes ta contribui na comportamiento homosexual, pero ta echo investigacion cu ta bisa cu no tin genes specifico cu ta haci hende gay.

E investigacion amplio di genoma for di DNA di casi mey miyon adu-
tonan Britanico y Mericano, a identi-

fica cinco variacion genetica anterior-
mente no vincula cu sexualidad gay y
lesbiana. E variantenan tabata mas com-
un den hende cu a reporta di tin un
partner sexual di mesun sexo. Esey ta
inclui hende kende nan partnernan
tabata exclusivamente di mesun sexo
y esunnan cu principalmente a repor-
ta comportamiento heterosexual.

E investigadonan a bisa cu miles mas
variante genetica probablemente ta
involucra y ta interactua cu factor-
nan cu no ta hereda, pero cu ningun
di nan ta causa e comportamiento ni
por predecir su un persona lo ta ho-
mosexual.

E investigacion ‘ta duna un bista cla
den e fundeshi genetica di comporta-
mento homosexual’, segun co- autor
di e estudio, Benjamin Neale, un ge-
neticista psiquiatrico na Broad Institute
na Cambridge, Massachusetts, agre-

gando cu ‘genetica ta menos cu mita
di e storia di comportamiento sexual,
pero toch ta un factor contribuyente
importante’.

Resultadonan ta basa riba contesta na
un cuestionario y test genetica.

Dos variante genetica haya den hende
homber ta cerca di genes relaciona cu
perdida di cabey y di sentido di olfato,
treciendo dilanti pregunta tocante
regulacion di hormoon sexual y holo
por influencia comportamiento ho-
mosexual.

E investigadonan a reconoce e limi-
tacion di nan estudio, enfatisando
cu e enfoca tabata comportamiento,
no identidad of orientacion sexual.
Tambe nan a nota cu e estudio a invo-
lucra unicamente persona di herencia
Europeo, y no por contesta si resul-

tadonan similar lo ser haya den otro
gruponan.

E origen di comportamiento homo-
sexual ta incierto. Algun di e eviden-
cia pas fuerte di un vinculo genetica
bin den estudio di morcho identico.
Hopi cientifico ta kere cu factornan
social, cultural, familiar y otro factor
biologico tambe ta involucra, mien-
tras gruponan religioso y skepticonan
ta considera esaki un escogencia of
comportamento cu por ser cambia.

Un comentario cientifico a nota cu e
cinco variante genetica identifica ta-
batin un efecto asina debil riba com-
portamento, cu uza e resultadonan
‘pa prediccion, intervencion of su-
pues ‘cura’ ta imposibel’.

E estudio tabata un colaboracion
cientifico involucrando psicologo, so-
ciologo y estadistico di Merca, Reino
Uni, Europa y Australia.

Companionan tecnologico luchando pa controla contenido evitando prehuicio

**WASHINGTON (AP) — Facebook, Google, Twitter y otro companianan tecnologico ta hayando dificultad pa controla contenido, entre acusa-
cionnan di presidente Donald Trump y su aliad-
onan cu nan plataforma ta yena cu perhuicio anti-
conservado. Cu bista di
legislado y reguladonan
riba nan, e companianan
ta ansha pa evita eror –
pero ta haya critica cada
paso.**



curso ofensivo, y discurso
politico cu djis bo no gusta.
Hende ta eliminando e linea
ey”, segun Jerry Ellig, pro-
fesor na e Centro di Estu-
dio Regular na Universidad
George Washington, kende
tabata oficial di politica ta
FTC (Federal Trade Com-

mission). Companianan
operando plataforma di red-
nan social pa largo a disfruta
inmunidad legal amplio pa e
contenido publica. Bou di e
Communications Decency
Act di 1996, nan tin un escu-
do legal tanto pa e contenido
riba nan y pa elimina post cu

nan ta considera ofensivo.

Pero den e clima actual di
hostilidad contra ‘Big Tech’,
ta mirando mas di cerca e
proteccion legal aki.

Senador Republicano, Josh
Hawley di Missouri, spring
ultimo a propone legislacion
cu lo rekeri companianan
duna prueba cu reguladonan
no ta uza prehuicio politico
pa filtra contenido. Si no haya
e auditoria di prehuicio di go-
bierno, e plataforma ta perde
su inmunidad contra accion
legal. Ta keda pa mira si un
sistema asina por pasa bou di
e Prome Amienda.

E problema di prehuicio pa
largo a evadi Silicon Val-
ley, maske no tin evidencia
creibel cu inclinacion politico
ta un factor den algoritmo di
buskeda di Google of locual
usuarionan ta mira riba red-
nan social.

Sinembargo, un campaña
masivo a uza avisonan falso
riba rednan social, buscando
pa sembra discordia entre
miyonnan di Mericano. Bou
presion di legisladonan, com-
panionan ta diseñando pro-
teccion contra ‘deepfakes’ y
otro manipulacion online cu
por influencia eleccion 2020.



Advertorial

Kico ta un scol saludabel

ORANJESTAD – Un Scol Saludabel ta stimula salud, bienestar y siguridad di alumno y maestro den un forma integral, structural y duradero.

Integral pasobra ta promove salud riba 4 diferente nivel:

1. Señala (Signaleren en doorverwijzen)
2. Educacion di salud (Gezondheidseducatie)
3. Ambiente di scol (Schoolomgeving)
4. Maneho di scol (Schoolbeleid en regelgeving)

Structural kiermen:

- Hancra promocion di salud den maneho di scol.
- Trata e tema di salud na un manera consistente y sostenibel (= ta regenera custumbenan saludabel).
- Trata salud di tur participante, esta di alumno, maestro y mayor.

PASONAN PA BIRA UN SCOL SALUDABEL

- Scol mester tuma contacto cu un di e conseheronan (Gezonde School-adviseur) di Scol Saludabel na Jeugdgezondheidszorg na Departamento di Salud Publico.
- E consehero ta bishita e scol pa duna tur informacion relevante. E lo splica e proceso con pa bira un Scol Saludabel y e condicionnan basico necesario (basisvoorwaarden) cu scol mester cumpli cune. E

condicionnan basico ta e.o. un plan di maneho di siguridad di scol, un plan di accion na momento di detecta diferente tipo di abuso di mucha, e meta-
nan nucleo, e codigo di conducta, etc.

- Pa haya un bista di e situacion di salud di e scol, ta haci un sondeo bou di maestro, mayor y alumno.
- Despues di a determina e necesidad y prioridad di e scol ta scoge un tema como base pa traha un plan di actividad pa e aña escolar.
- E consehero di Scol Saludabel ta guia y monitor e proceso y duna apoyo relaciona cu e tema hunto cu e partnernan/stakeholders.
- Unabes cu e scol cumpli cu e lista di criteria y cu e condicionnan basico, e scol ta obtene un reconocimiento y por profila su mes como un scol saludabel.

COMISION DI MANEHO

Comision di Maneho di Scol Saludabel ta un colaboracion entre 5 instancia:

- Departamento di Enseñansa (DEA)
- Departamento di Salud Publico (DVG)
- Instituto Biba Saludabel y Activo (IBiSA)
- Departamento di Asunto Social (DAS)
- Instituto Pedagogico Arubano (IPA)



Tin 11 compania interesa pa entrega oferta pa maneho di desperdicio

ORANJESTAD – Tin 11 compania cu ta participa den un asina yama **Limited Tendering**. Den e ultimo reunion cu Vaste Comisie, Ministerio di Medio Ambiente y Infraestructura conhuntamente cu expertonan di WEB cu ta guiando e proceso di **Waste to Energy Plant** cu na e momento aki ta bezig.

Na varios ocasion a reuni cu e Vaste Comisie di Parlamento pa loke ta trata medio ambiente y Infraestructura caminda a duna un exposicion completo di e proceso cu ta andando na e momento aki pa loke ta trata maneho di desperdicio di sushi.

E comunicado cu Bon Dia Aruba a ricibi ta indica cu despues di e destaho publico cu a tene, esaki no a produci e ofertanan cu a spera pero basa riba e preguntanan cu tabatin di e companianan y despues cu a aclaria varios di e preguntanan, awor tin 11 compania. E siman aki lo reuni cu tur y como mandatario encarga, ya caba a notifica Parlamento cu tin reunion cu e ekipo tecnico cu a lanta basa riba e National Task Force cu a crea na 2018. Tur 11 compania ta muestra interes grandi pa tog entrega un oferta pa e maneho di desperdicio di sushi den forma di entre otro Waste to Energy Plant y esey ta tumando luga na e momento aki. Tambe a splica Parlamento e proceso profesional cu a tuma luga caminda e decision di gobierno no ta basa riba e kier di un pensamiento di un minister of gobierno. Pero esaki ta basa riba estudionan hopi extenso cu a haci dor di un Task Force na cuminsamento di 2018 cu tabata inclui tur departamento di gobierno cu no solamente ta cay bou di ministerio, pero tur cu ta involvi den henter e proceso. Nan ta DVG y dos sindicato involvi den e Task Force, gremio comercial ATIA tambe e fundacion di esunnan cu ta biba rond di Parkietenbos, TNO, PAHO, instancianan internacional y WEB mes cu a guia henter e proceso. For di e proceso ey a sali pa haci un Request For Information pa haya mas informacion cua ta e caminda cu gobierno mester cana pa loke ta trata maneho di desperdicio di sushi y eynan 27 compania a participa. E companianan a bisa cu e miho caminda pa bay pa tin un insinerado



pa tin un Waste to Energy Plant pa introduci coriente y basa riba esey a bay un destaho publico. Esaki ta un proceso hopi largo cu hopi estudio y e direccion cu ta bay e momentonan aki ta e direccion corecto. E proceso ta canando y aki a muestra cu gobierno ta garantis den e caso aki cu maneho di desperdicio di sushi ta wordo determina dor di maneho di gobierno. Tambe a garantis e companianan, cu tur sushi cu recoge si ta compania priva of di gobierno, ley existente ta muestra cu gobierno ta dicidi unda e sushi tin di bay.

Den leynan nobo cu mester bin ta bay amplia mas riba dje y con pa atende cu e aspecto aki cu ta hopi importante na momento cu ta bay cu un tipo di destaho publico. E compania kier ta sigur ta cuanto sushi e tin di bay procesa y na ki prijs e por bende e energia cu e ta produci y ta e fase aki ta den dje awor aki pa aclaria cerca e companianan cu ta participante.

Despues di e siman aki e companianan tin 90 dia pa nan entrega nan oferta y ta spera cu e biaha aki por aclaria tur duda of confusion cu a crea dor di un compania local cu na cierto momento a bay bisa cu e tin derecho riba su sushi. Tambe a muestra e compania priva



riba e leynan cu tin y e leynan cu lo bin. E leynan ta garantis e maneho di desperdicio di sushi, mester ta uno cu tin interes general di pais Aruba na prome luga pero no interes di un compania priva cu ta tuma decisionnan priva pa bienestar di su compania.

Ta spera cu comunidad di Aruba por ta testigo di esaki pasobra ta un di e hopi pasonan cu ta tumando luga den laga atras tur maneho di desperdicio di un forma irresponsabel cu tabata tuma luga den ultimo añanan y dren-ta den un era nobo caminda na un forma responsabel ta mancha sushi y desperdicio aki na Aruba.

FOR ALL YOUR FLYER DISTRIBUTIONS



Call: 582-7800
email: accounting@cspnv.com

Resultado positivo ta hiba na aprobacion di presupuesto TPEF

ORANJESTAD – Durante e siman aki, Parlamento di Aruba a trata un biaha mas e presupuesto pa aña 2019 pa loke ta e Tourism Product Enhancement Fund (TPEF). E fondo aki, cual a ser estableci na 2010, tin meta pa inverti, embeyece y desaroya Aruba como producto turistico.

Minister Dangui Oduber, como mandatario encarga cu Turismo, a splica den un comunicado di prensa cu e aprobacion di e presupuesto aki ta refleha e confiansa cu tin den e maneho di turismo. Ademá e mandatario a pone énfasis cu e ‘producto Aruba’ ta beneficiando di esaki, hibando Aruba na un nivel di turismo di calidad excepcional. E mandatario a splica na Parlamento cu su vision como mandatario ta pa eleva e calidad di Turismo, eleva producto Aruba, pa eleva e nivel di servicio cu nos ta duna. E calidad aki ta bin solamente door di duna e turista e miho di bo, y pa Aruba esey ta e experiencia unico cu nos isla ta ofrece.

Proyectonan 2019

Durante aña 2019 a sigui cu e inversion pa loke ta e fase 2 di e ‘Malmok Boardwalk’ cu ta cuminsa na Ritz Carlton y ta termina na e crusada di



Malmok. A pusha pa continua cu e proyecto di ‘Stimami Sterilisami’, cual awor a bira oficialmente un fundacion. Mester remarca cu turistanan tin hopi atencion na e manera con Aruba ta atende cu e problematica di

bestia riba caya, y e proyecto ta contribui cu mas di 5000 sterilisacion di cacho y pushi pa aña. Ademá a logra pa Censo 2020 inclui un database di cacho y pushi na Aruba.

Ya caba den 2018 a pone e meta pa traha riba embeyecemento di arecanan turistico, door di percura pa e mantencion debido di e infraestructura y paisahe. Pa 2019 a logra cera un partnership cu ATA, unda lo percura pa e boeinan den lama wordo cambia y manteni. Esaki ta encera e zonanan di Palm Beach (area di hotel), Baby Beach, Arashi y Malmok. Pa por mantene costa di Aruba limpi y ordena, a introduci un asina yama ‘TPEF Ploeg’, cu ta keda responsabel pa esaki. Finalmente, tambe a aproba e renobacion di e trapinan na Mangel Halto, como tambe e dos piernan na Rodger’s Beach.

Oduber a expresa cu gran satisfaccion tur loke e fondo aki ta logrando y e tin tur confiansa cu e fondo di TPEF lo sigui sirbi pa engrandece nos producto Aruba. El a gradici e directiva di TPEF cu a traha riba e presupuesto, cual ta consisti di e miembronan Mario Arends, Astrid Muller, Joe Najjar, Sjeidy Feliciano, Curtis Fraser, Jouel Croes y Sharlyze Romano.

“Cooperacion y vision, den combinacion cu un maneho na unda Aruba ta prome luga, ta demostra cu nos tur como pais ta beneficia di e frutonan”, Oduber a expresa na final.

Pa clausura Luna di Monumento

SMFA lo celebra di seis Fiesta di Cunucu na Cas Tan Tin

ORANJESTAD – Den cuadro di Luna di Monumento, Stichting Monumentenfonds Aruba (SMFA) tin diferente actividad cu lo tuma luga entrante luna di september.

PR di e fundacion aki, Mircla Nava a anuncia cu entrante otro luna nan lo cuminsa cu e trabou di restauracion di e forno di calki den Rancho; y tambe cu e curso di tecnica di calki pa mantencion di edificacionan monumental. Un tecnica cu a bay perdi y cu nos a antepasado tabata uza den nan trabou di construccion. Y pa clausura cu broche di oro e Luna di Monumento, nan lo organisa e di seis edicion di e Fiesta di Cunucu.

Dia 29 di september, pueblo di Aruba lo por bin celebra nos cultura y conoce Cas Tan Tin, cu ta e prome cas di cunucu cu a haya e cello di monumento protegi. E actividad lo ta na Pos Abou 19, unda ta situa e cas di cunucu aki di principio di siglo 20. Cas Tan Tin a wordo agrega recientemente na e coleccion di monumentonan di Stichting Monumentenfonds Aru-



ba (SMFA).

E cas ainda tin su mueblenan original, por lo tanto publico por haya un impresion con famia Tromp, cu ta e doñonan original di e cas, tabata biba den e cas. Tambe fuera di esaki, Fundacion Museo Arubano lo pone obhetonan interesante cu semper e publico ta gusta wak y siña mas di nan, manera por ehempel e stilchi, e bidet y e telefonnan di antes y Roy Feliciano di Fundacion Museo

Arubano lo ta presente tambe e dia aki, pa duna tur splicacion tocante di e obhetonan.

E aña aki SMFA tin partner nobo, cual ta Fundacion Mi Cutisa. Nan ta un fundacion cu e meta pa promove e cultura di Aruba y nan lo tin pañanan tipico pa un y tur, di grandi te chikito, pa asina e publico por bisti y saca potret rond di e cas. Tambe nan lo tin matanan local, artesanía y mas na benta.

Pa locual ta trata e entrada di e bar, e aña aki tur e ganashi lo bay pa FEDAA, cu ta Fundacion pa Esnan cu Deficiencia Auditivo Aruba. Den cuadro di Siman di Lenguahe di Señá, cu ta cay den e ultimo siman di september, tambe a duna FEDAA e oportunidad aki, caminda pa medio di borchinan cu señá, e publico lo por haci pedido di nan co'i bebe na e miembronan di e fundacion cu lo ta trahando riba e dia aki.

Igualmente, Nava a sigui informa cu pa di seis aña nan ta sigui traha hunto cu Departamento di Cultura Aruba (DCA), cu un biaha mas tin un tremendo programa cultural bon varia pa entretene e publico presente cu música y baile tipico di Aruba. Y por ultimo, e publico lo por tambe cumpra nan produccionan local, cuminda crioyo, artesanía y matanan local na e mercado cu lo tin e dia aki.

Stichting Monumentenfonds Aruba kier gradici tur e partnernan y patrocinadonan cu a uni e aña aki na e Fiesta di Cunucu, nan ta: Departamento di Cultura Aruba, Fundacion Museo Arubano, Fundacion Mi Cutisa, Fundacion pa Esnan cu Deficiencia Auditivo Aruba, Ministerio di Cultura, Aruba Bank, Balashi y CATC.

Un biaha mas PR di SMFA, Mircla Nava a formula un invitacion pa henter e pueblo di Aruba pa bin celebra hunto e clausura di Luna di Monumento, dia 29 di september na e grandioso Fiesta di Cunucu na Pos Abou 19 na Cas Tan Tin di 10’or di mainta te 3’or di atardi.